

無冤錄

平冤錄

刻無冤錄目錄

今古驗法不同

自縊字義

溺死屍首男仆女仰

檢驗用官造尺

驗屍法物銀釵假偽

中毒

辨親生血屬

食氣額之辨

張知州辨明惡逆

晝夜之分

親老無侍犯徒以上罪名婦人懷孕死屍

病死罪囚

一屍帳式

二屍帳例

三屍帳件作被告人畫字

四屍無親屬許隣佑地主坊正申官

五正官檢屍及受理人命詞訟

六受理人命詞訟及檢屍例

七自縊免檢

八開棺臨事區處

九檢驗骨殖無定例

十屍場不明

十一檢復遲慢

十二檢屍不委巡檢

十三作耗賊殺人免檢

十四強盜殺傷錢主隨即合檢驗

十五省府立檢屍式內二項

十六寒暑變動

十七初復檢驗開文式

無冤錄

今古驗法不同

法有宜於古者未必皆便於今貴乎隨時之宜而損益之
且人命至重檢屍最難今檢驗屍傷往往取則于洗冤
平冤二錄至若上司降下結案程式則失於參考此無
冤錄之所以編也謂如鬻人者

省部斷例同手足傷人保辜洗冤錄則云鬻人依他物
法有如刃物殺傷結案式云皮肉齊截認是刃傷致命
洗冤錄則云肉痕齊截只是死後假作刃傷又如他物
傷人結案式行兇器杖必須量驗大小堪否害人收監
聽候洗冤錄則云以靴鞋踢傷若不堅硬難作它物又
云或額肘膝撞頭撞致死並作它物痕傷按刑統非手

足者其餘皆為它物舉手足為倒用頭擊之類亦是但
靴鞋既非手足得稱它物頭肘膝撻頭撞正係手足頭
繫之類難稱它物倘以古人驗法用之于今則致命者
必得結索傷人者亦碍科罪今古不同若此者衆洗冤
平冤錄皆古書也有益于後學者多矣然未便于今者
亦有之豈可一一按之哉二書互有得失雖已集而為
一不敢妄意改易必也臨事詳酌隨時之宜擇其善者
而從之

自縊字義

人之生也肖貌天地稟形父母莫不愛其所受以躋壽域
不幸死于非命檢復之際定執不明則死生以之而啣
冤矣且以自縊言之縊既曰自夫豈由人如果自輕生

定作自縊致命乃理所當然至于生前勸未死間吊起
假作自縊或睦虞被人將繩索于咽喉吊起身死亦謂
之自縊可乎洗冤錄中亦嘗議論及此但云此稍難辨
切宜子細而未有所以印證也伏覩

省部節次定立檢屍體式並云吊縊所用字義深切著
明夫設于此而使彼效之曰式能以安常作之師乃罔
後艱凡定驗引用當以此類而推之

溺死屍首男仆女仰

或問溺死屍首男仆女仰其故何哉予盡為我言之予按
南齊褚彥道之書以語客曰男子陽氣聚面故而重溺
死者必伏女子陰氣聚背故背重溺死者必仰走狀溺
死伏仰皆然後漢魏伯陽曰男生而伏女偃其軀稟乎

金史綱目

檢驗用營造尺

曰同律度量衡所以齊遠近立民信也孔子述古帝
 王之政以示後世則謹權量審法度四方之政行焉
 國朝權衡度尺已有定制至若檢驗屍傷度然後知長
 短夫何州縣間捨官尺而用營造尺乎考之古制度者
 分寸尺式引也引別也十引也尺量也文孫也以北方
 秬黍即黑黍也意鉅中者一黍之廣為分十分為寸十寸為
 一尺二寸為大尺往往即營造尺耳

省部所降官尺比古尺計一尺六寸六分有奇天下

行公私一體裝見麗水開化件作檢尸並用官造凡
之既非法物校勘毫厘有差王康曰毫厘之差長集
况明有禁例若官府緣公行使而責民間私用是不揣
其本而齊其末遂較而棄之即取官尺打量初則行吏
件作久習舊弊相顧不安終焉結案無駁始以為是大
抵理當更張者改之則正豈徒尺有所短寸有可長哉
驗屍法物銀釵假偽

檢會通制結案式內毒藥死屍以銀釵探入咽喉中少時
取出其釵黑色認是中毒致命今司縣間如遇檢復一
應屍首並用銀釵試探但告稱中毒服毒身死者事多
曖昧全憑銀釵定驗虛實即係切要法物據所用銀釵
件作行人臨期多是取辦于里正主首或隣佑人等及

被告之家殊不思自今市鋪工匠打造銀器濫偽不真俗稱倒三七者即三分是銀七分是銅或半真半假者有之似銀假偽一觸穢氣其色即變難以辨明遂至冤枉叅詳事關乎人命敘稱為法物用之定驗予決是非若臨事取办于民則情弊多端徇究負屈者多矣理宜官為監臨工匠用足色花銀成造以官對牌試驗鑒記封收專以檢尸用度亦絕冒充濫之一端也

中毒

這高蠶毒買賣毒藥害人性今下各有常刑宋孝武時沛縣唐賜往比村朱起母彭家飲酒還得病吐蠶蟲十餘枚臨死語妻張氏刎腹出病處屍死後張手自破視五

毒藥雖名項脩具然而脯肉亦有毒故唐律云曾經病
人有餘者速焚之更有草毒蟲毒酒毒果實毒菌蕈毒
金石毒如食經禁忌乾脯一不淨入黍米菟菜不淨和煎
肉之類未易枚舉又其毒在目外入者如蟲蛇所傷則微
有齧損可以致死狂犬所傷或至齕乾而後死大凡中
毒卒皆腹脹至若屍首發變亦類中毒檢復之際不可
不子細辨明○又有本是中毒輒稱服毒者尤宜子細
辨親生血屬

身體髮膚受之父母蓋子乃父之遺體而生之者母也洗
冤錄驗滴骨親法謂如某申稱有父母骸骨認是親生
男女試令就身刺一兩點血滴骸骨上是親生則血沁
入骨肉否則不入每以無所取証為疑讀史豫章王綜

梁武帝第二子也綜母吳淑媛在齊東昏宮得寵及見
幸于武帝七月而生綜宮中多疑之綜年十四五恒夢
一年少肥壯自挈其首如此非一迷客問淑媛語夢中
形色頗類東昏淑媛報之曰汝七月日生兒安得此諸
皇子幸勿洩綜日夜泣于別室歲時設席祠齊氏七
廟又果微行至曲阿拜齊明帝陵然猶無以自信聞俗
說以生者血灑死者骨滲即為父子綜乃私發齊東寧
墓出其骨灑血試之既有徵矣在酉州生次男月餘日
潛殺即瘞夜遣人發取其骨又試之驗以此觀之則洗
完之說有自來矣

食氣類之辨

或謂洗冤錄中所載自割喉下死者只是一出刀痕若當

下身死時殭深一寸七分食氣系並斷如傷一日以下
身死者深一寸五分食氣系斷氣系微破如傷三五日以
後身死者深一寸三寸食氣系斷今求其意以解其文則
食系在前氣系在後幸為辨之夫所謂食氣系者結案
式中則名曰食氣顙予嘗讀醫書夫人身有咽有喉喉
在前通氣咽在後咽物二竅各不相麗喉應大氣為肺
之系下接肺經為喘息之道咽應地氣為胃之系下接
胃脘為水穀之路錯文見義于洗冤錄之說有所不通
切疑後人傳寫之際交錯食氣二字以致牴牾反覆叅
考喉氣顙在前咽食顙在後醫書足可徵也予非好異
而徵醫書亦惟其是而已苟是子之言似此之所不能
不言者亦可推而知已

張知州辨明惡逆

父母之恩昊天罔極如供養有關違犯教令不孝惡逆各有常刑其或民不與行絕之以法可也若避風俗之不美悞獲戾而廢大倫則感矣昔唐刺史賈崇以所部犯十惡被劾太宗曰堯大聖桀下惠大賢其子丹朱不肖其弟盜跖巨惡夫以聖賢之訓父子兄弟之親尚不能使陶染變革去惡從善今遣刺史化被下人歸之善道豈可得也若令緣此被貶降或遙相掩蔽罪人斯失諸川有犯十惡者刺史不須從生但令明加察訪科罪庶肅清奸惡伏見

省部通例大德十一年磁州成安縣田雲壘因歐弟誤傷致死伊舅耿瑞告縣違冒化赤太帖木兒推抑不受

劉主簿受而為理太帖木兒等檢屍受賂賂作風氣而
死本州張知州覺舉其事直申

省部太帖木兒等計賍論罪田雲童結案待報張知州
辨明惡逆優加陞用未嘗因罪人以致罪也書以俟夫
觀人風者得焉

晝夜之分

凡告爭者必明註年月而文案中不得寫去年今年前年
今月當時此日已有定例或問稱日者通晝夜百刻為
坐至于晝夜之分願聞其畧切嘗考之晉書志曰晝漏
盡為夜夜漏盡為晝一日之內以其夜子正以前屬今
日子正以後屬次日此晝夜時刻之所由分也若夫保
率限次如拳手歐人例限十日計累千刻以定率限之

內外與夫夜入人家之類晝夜之分不可不詳君子其明辨折獄

親老無侍犯徒以上罪名

勘責重刑犯狀必通服屬年甲有無病疾是豈為身自犯法者設哉老者八十以上例存侍丁一名九十以上二名今犯徒以上罪名親老無侍往往不為申明疑而質諸友有笑于列者曰子之迂也甚矣事例不同豈宜併論然則老幼疾病罪贖通例非為身自犯法者設乎抑其子犯罪親老無侍可得免乎子曰徒罪以上犯狀首問三代親屬存亡年甲疾病其故何哉客雖無以為答然終莫能听納其說檢照至元六年十二月二十八日平陽路賊彥松因闖死姬進

省部定罪合行廢死緣減彥松父年七十六歲別無重
丁擬杖五十七下徵給燒埋銀兩于至元八年十月二
十日

奏准斷決以此叅詳凡犯徒以上罪名如親老無侍者
擬合比附斷過事例申詳使養其老仰副施仁恤政端
在檢舉奉行案式服屬年甲夫豈空言哉

婦人懷孕死屍

檢屍疑難前人之述備矣乃若歷試其事之異於載籍者
可不書之以為鑑乎洗冤錄驗有孕婦人被殺或因
產子不下身死其屍經埋地窖因地水火風吹死人尸
首脹滿骨節縫故逐出腹內胎孕孩子予昔任監官案
牘至治三年春後驗崇德州召門卿孕婦沈觀女死屍

當元殯殮入棺懷胎在腹衆證明白後因房親發覺開棺初檢則死胎已出在母裙襖中雖已從實檢復每思與洗寃錄牴牾未能寤疑是歲之夏予又于益官檢一孕婦落水屍初檢所懷胎孕亦在母腹中復檢之後親屬頌屍未殯胎亦自出自二死胎並未經理地窖俱各出離母腹乃洗寃錄議論有所未入者于是乎書

病死罪囚

通制獄官條內病因分數刑部准太醫院據諸路醫學提舉司會集教官校閱經書以十分為率有得病一二分之輕漸至八九分之重而至十分方死者有得病便至十分難治而死者真心痛其頭疼早發夕死夕發旦死又若卒中之證五臟絕閉脉道不通氣不往來譬如

溺而死者是也原夫患病之人有得之輕而易愈者有
自輕至重而死者亦有危急之證不及治而死者特係
伏之因身被桎梏心懷憂苦與常人不同故得病便至
十分者尤為難治大抵死于久病痼疾則形体瘦弱腹
肚低陷或卒死暴亡則屍形不類然病之輕重自有分
數而死之遲駛速_{辭去声}各有其因不可以一槩論
條格詳明既有所守當奉行惟謹可也

格例

一屍脬式

某路某州某縣某處某年月日某時檢驗到某人屍形用
某字幾號勘合書填定執生前致命根因標注于后
一仰面

頂心

偏左偏右

顙門

頭顙

額角

兩太陽穴

兩眉

眉叢

兩眼胞

兩眼睛

兩腮頰

兩耳

耳輪

耳垂

耳竅

鼻梁

鼻準

兩竅

人中

上下唇吻

上下牙齒

舌

頰頰

咽喉

食氣顙

兩哈膊

兩肱

兩手腕

兩手心

十指

十指肚

十指甲縫

胃脘

兩乳

心坎

肚腹

兩肋

兩脇

臍肚

兩膝

男子莖物腎囊婦人陰戶

兩腿

兩膝

兩臙腠

兩脚腕

兩脚面

十趾

十趾甲

一合面

腦後

髮際

耳根

項頸

兩臂膊

兩肱肘

兩手背

十指

十指甲

脊背

脊脊

兩後肋

兩後脇

腰眼

兩脅

殺道

兩腿

兩肱

兩腿肚

兩腳

兩脚跟

兩脚心

十趾

十趾肚

十趾甲

一對衆定驗得某人委因

致命

一檢屍人等

正犯人某

干犯人某

干証人某

地隣人某

主首某

屍親某

伴作行人某

右件前項致命根因中間但有脫漏不實符同捏合增減

屍傷檢屍官吏人等情愿甘伏罪責無辭保結是實

某年某月某日司吏某押

首領官某押

刑屍官其押

二屍帳例

大德八年 行省准

中書省咨刑部呈奉省判送河南行省咨歸德府申切
見各處有司不以人命為重凡有告毆傷身死者不行
隨即飛申檢驗初檢官司雖有申到屍狀復檢官司不
行即到屍前以致屍已燬變不能復檢既見復檢官司
不能復檢初檢官吏更因而作弊捏合已死之人作自
縊或投井焚燒自傷殘害身死中間別無堪信顯迹必
須追究往來補答扣換州縣司吏通行捏合虛套元告
詞因毀賺元告絕詞文狀不惟官吏通同如此使死者
幽冥之冤何由得雪本省看詳檢驗屍傷或受差

不發或牒至應受而不受或不親臨或承他處官司請
官檢驗或有官可那而稱缺或應牒隣近而牒遠者或
應驗而不驗或不明定要害致死之因或定而不當或
漏露所驗事狀或將初驗屍狀與復檢官司扶同檢驗
等事情弊紛紜不能舉理宜明定罪條通行遵守施
行間又據江西福建道奉使宣撫呈亦為此事奉都堂
鈞旨送刑部議擬連呈奉此本部議得檢驗屍傷已有
常式近年以來親民之官不以人民為重往往推延致
令發變及不親臨監視轉委公吏行人與復檢官司通
相扶同裝捏尸狀移易輕重情弊多端擬合設法關防
若依奉使宣撫所言以為縝細本部今參酌定立屍帳
圖畫屍身一併一合令各路依樣板印編立字號勘合

用印鈐記發下州縣置簿封收如遇輪屍隨即定立時
刻行移附近不干碍官司急速差人搜下公文仍差委
正官將引首領官吏慣熟件作行人就賣元降屍帳三
幅速詣停屍去處呼集應合聽驗并行兇人并躬親駐
視對衆眼同自上至下一一分明子細檢驗指說公身
應有傷損劃時于元靈屍身上比對被傷去處標寫長
闊淺深各各分数定執端的要害致命根因檢屍官吏
于上署押一幅給付告主一幅粘連入卷一幅申連本
管上司仍取告主并聽檢人并連名并結依式備細現
寫當日保結回報明白稱說各處相離里數承發檢驗
日時飛申本管上司其復檢官吏依上復檢了畢亦將
屍帳一幅給付告主一幅申報上司如有違慢或情到

而不受致令屍變者正官決三十七下首領官吏各決
四十七下其不親臨監視轉委公吏檢驗并增減不定
移易輕重定執致命因依不明或初復官吏相見符同
屍狀者正官取招量事輕重斷罪黜降首領官吏各決
五十七下眾役作作行人決七十七下受賂者同枉法
論任滿於解由內開寫本路另置文簿令推官收掌如
遇因屬申報人命公事隨即附簿檢舉但有違犯依上
究問若因循不行駁問者罪及推官無推官者掌司首
領官提調縣訪司職在提刑所在之處先行取會不得
人命事目詳加照刷元置文簿卷宗解問若有似前違
犯或犯人招指不同官吏作弊枉禁并解由內隱漏者
隨事輕重理斷庶幾少革前弊如蒙准呈施行照會

應會將屍親遺骸屍身式樣在前具呈照律緝拿准擬
今將屍帳式樣錄述在前合行移仰諸縣照施行各屬
依止施行

三屍帳件作被告人畫字

延祐二年 行省准

中書省咨御史臺呈准江南行御史臺咨據海北廣東
道肅政廉訪司申切謂刑名之重莫最于殺人獄情之
初必先于檢驗蓋事体多端情態萬狀有同謀共毆而
莫知誰是下手重者有同謀殺人而莫定誰為初造意
者有甲行兇而若主與乙讐嫌而妄執乙行兇者有乙
行兇而今在下之人承當若若此之類未易枚舉今省
部定到屍刑格式於內為是開寫正犯干犯名色檢驗

之際如是事体明白就場認是致命痕傷者令正犯人
下畫字則於事體無害設若苦主因其私怨所告不實
倉卒之間疑似未定必須子細推鞠方得其情就場若
便抑令被告行兇人於正犯下畫字以後鞠問得却係
他人則異日必指元非正犯以為翻異之階若令於干
犯入下畫字苦主未見何人承當致命痕傷則必隨時
有詞不肯承領屍形或是添寫被告二字作被告正犯
人干下畫字則比元降格式不同上司必為駁問違錯
其有司官吏臨屍檢驗之際變亂事情多因此致今後
正犯人干犯人不須預先判定若是當場認定行兇致
命事情明白者則於屍帳上明白標寫行兇正犯某人
畫字設若事情疑似未易辨明者則標寫你被告行兇

人畫字庶望以後推勘明白於事無疑其呈照詳迭據刑部呈議得先為各處檢驗尸傷多生奸弊是以參酌定立屍帳圖畫屍身通行各路遵守蓋欲救弊除奸期于事得明白而無寬濫今廣東通廉訪司所言屍帳上預先標寫正犯干犯名色事有窒碍今後凡檢驗屍傷若當場定執致命痕傷無差行兇人等審問明白別無可疑者正犯人干下畫字若事情未定首役未分止作行兇或被告人畫字如初復檢驗定執明白而行兇人在逃卒急不能捉獲或召喚屍親未到者聽將原檢屍帳權且粘連入卷用印關防候獲正賊召到屍親至日畫字給付庶不差池如蒙准是通行照會相應得此都省除外依上施行

(四)死無親屬許隣佑地主坊正申官

大德六年 行省准

中書省監察御史忻都陳言各項事理一項人命公事非止一端有故誤致死者有闕毆傷命者亦有因小事不能轉旋有負借貸不能還債一朝之忿自傷殘害者或有人家典顧人口不幸而死者皆不可一例而行江南愚民習俗成風或親屬朦朧陳告或族黨親戚及五服外親希望錢物需求未得而稱詞又里正主首之後多用渥皮惡黨在鄉生事專務風聞捏合中聞甚至毀隙之家妄稱已死人血屬對令告狀其有司官吏并安保茶食勾伴公事人等探知本處百姓之家或因病死并自殘之人喚令伊親屬人等前來教唆陳告中間有

冤濫者粧飾詞訴固不在言無冤濫者一言以蔽之曰
身死不明有司徃徃不詳輕重不察親疎但以人命公
事如得奇貨便行受理今後若令有司遇有告言人命
公事須要審問是否五服內親當問致死緣由若是親
屬的有冤濫方許受理若有告人不係已死者親屬咸
稱親○梯已人等代告并里正主首中間之類及中間
不見死者冤濫情節無得理問若有原告人長以死事
証人取問的實依例斷罪刑部議得人命至重死無再
生假有被告謀故或毆財殺死及有奸盜開歐致死之
人何由得靈其冤以此謀害自傷殘害因病而死者如
兇賊之人或滌皮有響惡此証訴告撫平人冤害人
司提問明白欽依抵罪八生若中其枉斷不

偏屈量事輕重決罰受錢者驗贓依律科罪黜降累其身死不明實無親戚人等申告許令隣佑地主或當坊坊里正頭目從實申官依理追問所據傍詞逐卽不法合從監察御史各道廉訪司嚴加禁治糾察追斷相應仰依上施行

(五)正官檢屍及受理人命調訟

至元五年

中書右三部契勘隨路稱亢重囚多爲初檢屍時司縣官不行親去監檢轉委巡檢司吏弓手人等逐人到停屍處亦不親臨監視止憑巡檢司吏弓手人口喝檢到傷損致命根因附口取責行人驗止復檢官吏恐檢驗不司暗行計囑初檢人等抄錄初檢屍狀雷同回報本處官司

又不照觀所驗實與不實憑誰檢狀及信從元告人指
執并捉事人涉疑詞因將涉疑人非法鍛煉須要承伏
本人不任勘問虛行招說牢到本路總管府官吏看同
泛常又不子細照詳所申中間有無冤抑止依元招取
訖招伏結案中却由此致有冤抑處此若不通行緣檢
驗屍傷致命因依及鞠勘重刑係于致命其害非輕合
下仰照驗速為行下合屬府州司縣今後檢驗屍傷委
本處管民長官勘時將引典吏并緝練刑獄正名司吏
信實慣熟件作行人不以遠近前去停屍處呼集屍親
并隣佑主首人等躬親監視令件作行人對衆一一子
細檢驗沿身上下應有傷損及定執要害致命根因依
前取件作行人重其結罪並無漏落不實受杖檢

吏保明委的是實回報本處官吏仍仰初檢官吏人等
迴避其復檢官吏人等依上檢驗亦取件作行人其結
文狀回牒原委官司若長官有故其次正官檢視如承
檢驗屍官公文照驗所驗屍傷委的是實執捉兇首或
涉疑之人研窮磨問如有宿食下落召保聽候若殺人
賊狀明白委有顯證取犯人招伏追會完備對家屬審
錄無冤申解本路總管府經歷知事司吏人等將來解
子細叅詳中間委無冤抑亦無可疑情節總管府官先
審過無冤再行取責招伏情由府官公坐將囚引進當
面對家屬將所招情罪從頭一一讀示再三審復委無
冤抑取本人服辨家屬准以結案開申

(六)受理人命詞訟及檢屍例

大德八年

都省提刑部呈

整治刑獄未便事內一項

重刑祗直推詳事頭如故後開殺衆證屍傷器杖顯然
及強盜明白易於結案者尤不免變亂情狀若被歐初
不訟官查待身死然後方告或因他疾而死或事曖昧
不願進詞屍已燒埋其弓手里正人等意在挾私計囑
廷尉賕吏妄投詞狀又有妄以驚死老幼為詞及自傷
殘害故行謀賴胥吏兜攬受理官亦貪求徒而檢驗勾
拿人衆刻取厭足改變是非或以屍首發變青赤顏色
妄作生前打損痕傷欺詐錢物倘若不滿所求從而毆
煉成獄及有放火蹤跡不明或被強盜之類吏卒教令
事主要指平人因而破家致有拷訊而死捏合文案者
其英江漸尤甚今後凡聞歐致命即許親屬詣官

陳告照狀無疑隨即檢驗推究不許弓手里正人等受
詞轉申其餘九告人命不明或死已多日事有曖昧州
縣先須子細詳察不許輕易受詞破人家產以肥吏卒
若其事必當受理選擇廉能人吏掌行正官親臨反覆
推求要見虛實毋作疑獄若被故殺及強盜一切姦淫
之事例該巡捕官任責者依例畧問情由即發本縣公
同磨問須要真贓正伏實跡明白申解府施行其他
誤殺戲殺過失而死與夫因毆甲而傷乙者初非故意
罪應減等須許令家屬赴官告訴推議之際當盡其心
檢驗屍傷親速詳定司縣承告人命公事照問詞訟無疑
即牒長官將引典吏正名司吏慣熟件作行人火速付
停屍處對犯人告主照式并屍帳屍身親臨檢驗定驗

要害致命去處要見拳手傷處棍棒及物所傷明白不
許官吏避忌凶穢遠聽件作行人喝罵標附檢畢責付
隣佑看守以特復檢不得就彼擅自推問有所侵擾及
守候復檢相與扶同亦不得輕許陳告免檢若因天氣
體熱地里寫遠屍已發變實難定驗者對屍親人等從
實供報毋得將發變青赤顏色妄為損傷違錯復檢了
畢即令屍親理瘞如故有遲緩致屍發變者依律科罪
(七)自縊冤檢

至元十年五月

中書兵刑部為中牟縣樊岡告男婦喜仙自縊身死初
檢官主簿李伯英據喜仙母阿白等告委是自縊身死
別無他故情愿收埋本官准告免檢責付屍親安埋取

到李伯英不合惟告違錯招伏省部相度既是自縊身
死別無他故情愿緩屍安埋初檢官雖有惟告免檢罪
犯合從本路省會免罪

(八)開棺臨事區處

元貞二年九月

江西行省為瑞州路申土高縣李伯盛告劉二落水身
死安埋了當趙縣尹開棺檢驗違錯高安縣陳顯告陳
德一被王俊卿打死安埋了當本縣移准所委官牛縣
丞牒若便發塚開棺檢驗誠恐未應奉省劉取問不行
催督檢驗違錯參詳莫若今後但有人命雖已安埋亦
合開檢庶望事有證驗情無疑似等事仰准中書省咨
送刑部議得人命至重合驗屍傷却緣埋有月日遠近

時有寒暑不同况人備萬伏時犯各別似難一槩定論
以此參詳擬合臨事詳情區處相應都省准擬請照驗
施行今求前事仍檢官不增開墳檢驗蓋為前例係江
西行省咨准不曾通行以致如此若不申稟永為定例
切恐已后被害之家性命不得其實乞照詳得此呈奉
到湖廣并處行中書省劄付該省府相度仰照驗更為
照勘明白依上詳情區處施行

(九)檢驗骨殖無之例

大德四年九月 江西行省劄付據袁州路申為宜春縣
鍾元七身死事照得先據本路俗萍鄉州申彭阿夏告
夫彭季八身死公事委官開棺檢得皮骨消化骨殖無
露誰以檢驗移准都省送刑部議得自來亦無檢得定

例參詳合依已行事理詳情區處已經行下本路依上
施行去訖今據見申不見憑何典例將骨檢驗定執致
命根因省府合下仰照驗照勘明白將行兇人一于人
并研窮磨問鍾元七端的致命根因取責各各招住實
詞追勘完備牒審無寃依例結案仍取不應檢骨違錯
招狀申省

(十)屍傷不明

大德三年四月 江西行省劄付該欽奉

詔書內一款節該政令有所未便吏弊有所未去民瘼有
所未除仰差去官與本處官應便厘革者即與厘革欽
此除外一件檢屍不明害民不淺省部原降檢屍程式
春夏秋冬四季各有限期過朝屍壞止憑勘當定執致

命根因作弊之人窺見官司別無開防遂生奸計其家
偶有一人因病身死或欲報讐或覬圖財便行經官告
稱被人打死或稱與妻妾身死杜撰詞因捏合證佐經
停月日俟其屍潰爛然後陳告州縣見其事干人命便
行受理差官檢復已是屍壞止憑件作行人虛捏屍傷
有司便行追問於內却有貧民下戶委因權豪之家苦
害非命而死者告主被其攔截官吏因受計囑抑遏不
能告官及至事發却以屍壞為詞不復檢驗故得延過
行合屬須要照依省府先行應期依式檢驗施行

十二檢復遲慢

至元五年六月

尚書刑部為端來路端陽縣劉聚因爭地毆打糾開身

死有本縣官吏檢屍怠慢罪犯本部議得達魯花赤縣
戶主等交互相推以致延復遲慢擬笞四十贖銅典史
司吏事由官長不合治罪呈奉

都省准擬各官罰俸典史司吏各免罪

(上)檢屍不委巡檢

至元二十八年五月

江西道按察司會驗至元五年六月

中書右三部符文該照勘各處稱究重囚多為檢屍時
司縣官不行親去監視轉委巡檢司吏弓手人等逐人
到停屍處亦不親臨止憑仵作行人喝驗到傷痕致命
因依附口取責檢驗文狀復檢官吏恐檢不同暗行計
問初檢人等抄錄屍狀雷同回報本處官司又不照勘

所驗實與不實憑准驗狀及原告指執并捉事人涉疑
詞因將所犯人鍛煉須要承伏其人不任拷打虛行招
訊致有冤枉人後檢驗委本處管民長官割時將引典
吏并緝練刑獄正名司吏信實慣熟件作行人不少遠
近前去停屍所呼集親隣主首躬親監視一同子細檢
驗復檢官吏回避初檢依上檢驗奉此除外本道巡按
至雷州等處照到卷內四起皆委巡檢檢驗中間多有
屍傷不明除取問外今後凡有檢驗照依

上司元行體例委正官初復檢驗毋得委付巡檢

王作耗賊殺人免檢

元貞元年七月十六日

江西行省據吉州路吉水縣申縣丞王將仕牒開歐殺

傷人命有司即時委官檢驗外有強盜千百為群執把軍器將良民圖財殺死一家五口十口者官司即時檢驗仇免暴露動經月餘不到事主不敢擅便安埋無不號哭伏棺告求免檢為無定例檢屍官不敢擅准作耗賊徒殺人難同閭閻殺傷身死今後強盜殺人合無令事主隨時告知兩隣社長督視在身傷痕指實陳告官司准理免檢乞照驗送理問所議得委係作耗賊人殺傷人命所言相應省府准擬

孟強盜殺傷錢主隨即合檢驗

中書省咨至大元年五月十八日 奏過事內一件軍民相犯的勾當有呵賊情人命等重罪過的交管民官歸問其餘家財田土歐打相爭等輕罪過的軍民官約會

著問者麼道

世祖皇帝

完澤篤皇帝時分那般行來前者樞密院官人每奏過與俺文書蒙古軍人自其間裏相告甚勾當有呵院官人每問者其餘軍民相犯的不揀甚麼勾當有呵約會者問者麼道奏了俺根底與文書來俺商量來人命賊情忒重罪過的交約會著問呵他每的頭目每知自的無體例推調著約會處不來遷延月日逗遛詞訟中間窒碍多有為甚麼道說呵不揀那箇田地裏被殺死或彼傷人呵或強盜錢物將錢主殺死打傷呵隨人即合檢驗有若約會處早不來到呵天氣熱時屍首腐爛人命的勾當下落後了有不揀甚麼做賊說謊那其間對付

有從來呵護况自己久禁著人呵喂生受有可憐
依先

世祖皇帝時分行來的體例重罪過的交管民官歸問輕
罪過的交的會者帶問若三遍約會不來呵管民官就
便歸斷了呵怠生奏呵奉

聖旨那般者欽此都省咨請欽依施行

（查省府立檢屍式內二項

大德元年七月 省府立到檢屍式內二項

初檢官將引典史司吏一行人前去所指某處見一男
子婦人屍首令隣人主首合干人等辨驗委是所指某
人屍首或吊縊或卧于床上或頭南脚北或頭東脚西
仰合側卧傍開馬東西南北四至處所指門窓牆壁之

類名若干步寸遠則云步近則幾尺此圖各注下項檢
屍蹤跡從頭上下翻覆檢驗傷損定驗致命根因謂如
見屍吊縊即云懸空高下吊縊處可與不可勝任屍首
兩脚懸空不懸空有無登踏器物并就命頭述項下是
何繩索當係圍徑窰細濶決長短尺寸將屍解下即云
項下有無原係之物或在屍傍或在元吊某處懸空比
對元縊痕迹同異亦無紕說是何繩索物色如在水中
量水深淺水面濶狹或在溝濶亦量上下丈尺如在灰
火中先掃除週圍灰燼然後將屍翻動觀屍著地處有
無灰燼燒損如毆打傷死痕迹之類屍傍應有器仗物
色一子細查說然後將衣脫去檢驗若屍在水中或
窄暗處難以定驗者許移近便處開說移動緣由亦須

再量四至遠近用清醋淋洗紙糊搭蓋良久揭去自上
至下翻轉檢驗初檢官申須要差委請俸正官臨屍親
行相驗屍傷痕跡比對行使器仗是否相同定驗勿以
畏避臭穢不行躬親監視轉委巡檢司吏弓手人等逐
人到屍處亦不親臨監視止憑作人喝檢傷損致命
因依附口取責行兇人檢驗文狀其作行人南方多
係屠宰之家不思人命至重暗受兇首或事主情囑捏
合屍傷供報復檢官吏恐檢驗不同又行計問初檢人
等抄錄初檢屍帳雷同回報本處官司亦不照覲初檢
虛實憑准檢狀及原告人指說并捉事人涉疑詞因將
所疑人煅煉須要承伏其因不任拷打虛詞招說申到
總管府官吏者同泛常亦不予細按詳中間有無冤滯

止憑無招取狀便行結案不思之驗屍傷係閩人余共
害非輕

〔十六〕寒暑變動 洗冤錄同

浙西道宣慰司檢會到至元五年六月初二日
中書右三部過行隨路符文連到檢屍体式仰遵守施
行

春三月屍經兩三日變動口鼻肚皮兩脇胸前肉色微青
若經十日以來則鼻耳肉多有惡汁流出肚皮胖脹此
即肥大之人若是久患形体瘦弱之人則經半月以後
方有如此變動

夏三月屍經一二日先後面上肚皮兩脇胸前肉色變動
經三日則口鼻肉多有汁流虫蛆遍身胖脹口唇

膚脫爛胞胗起經四五日則頭髮脫落

秋三月屍經兩三日亦先從面上肚皮兩脇胸前肉色變動四五日則口鼻肉多汁須及蛆出遍身胖脹口唇翻胞胗起經六七日髮方始脫落

冬三月屍經四五日身體肉色黃紫微變經半月以後則先從面上口鼻兩脅胸前變動若或安在溫地用薦薦裹角埋瘞其屍卒難變動更詳審月頭月尾按春秋節氣定之

盛熱屍首經一日即皮肉變動祚青黯色已有氣息經二

四日皮肉漸壞鼻脹蛆出口鼻流惡汁頭髮漸落

盛寒五日如盛熱一日時半月如夏熱三五日時

春秋氣候平和三四日可比夏一日八九日可比夏三四

自然人有肥瘦肥少者易壞瘦老者難壞又南運氣使
不同山中寒暄陡頓不常更在臨時通變審察

凡暑月用湯水酒醋器署其屍上損處浮皮多白不損處
却有青黑不見的確痕若避臭穢處見在檢驗過往往
誤事稍有疑處浮皮破損須令剥去如有損傷底下血
瘡分明更有暑月九竅內未有蛆出却於太陽穴髮際
兩脇腹間先有蛆出是彼中有損切子細看一

(七)初復檢驗關文式

員御十某年某月日時准某處公文云云准此即時依上
典首領官某人將引司吏某人件作某人業起程前去
至某日時到某都某里地名某所請停屍處據則云相
有某里據某都主首里正某人呼集到後據云有屍到
路經

佑某人屍親某人屍醫工某人或行兇人某人及應合

證驗人數如無屍親則云為不見屍親到來及有無應

住產或已令人取與未到除外即無其餘未到當賊同

首領官吏躬親監視作作某人對眾眼同依例用法物

自上至下翻轉一一子細分明而檢得某人屍首定驗

得此處云生前滿身就於發到屍帳上逐一比對標寫

取訖作作某人並無增減不定移易輕重重甘結罪文

狀并責訖屍親某人隣佑某人里正某人主首某人或

行兇人某人或醫工某人應合證驗人等各證驗執結

文狀所據定驗得某人屍首致命根因委係如何身死

保明並是端的保結是寔除將屍帳一本給付屍親某

人收管如尸親則云叙合給付至將屍首用藁薦遮蓋

週圍用灰印幾個記號賣付里正其人收領用心看守

毋致虫鼠傷殘復據云自屍首賣付里正親并里據一千

證驗人數差人管押開發復檢官外發檢回本縣核管外

今將發檢過某人屍首致死根因依式開闢于后同已

書其屍帳三本如無屍親云并給付隨此發去令行回

開請照驗施行

一到某縣某都某里所指某處見一男人屍首令隣人屍

親行光人里正主首合干人數并辨認得委是所指某

人屍首或吊縊或卧于床地上或頭南脚北頭東脚

西仰合側卧屍傍開闢東西南北四至處所揭門窓牆

壁之類各若干步尺遠則云步此處各云下頃檢屍蹤

跡謂知見屍吊縊即云懸空高下吊縊處可與不可

任屍首兩脚懸空有無登階器物并就命頭跡項下有
何繩索帶繫圍徑粗細濶狹長短尺寸將屍解下即云
項下有無原繫之物或在屍傍或在元吊某處懸空繫
定批對元縊痕跡同異亦行稱說是何繩索物色如
在山中量水淺深水面濶狹到岸各若干丈尺或在溝
洞亦量上下丈尺如在灰火中先掃除週圍灰燼然
後將屍翻動觀屍着地處有無灰燼燒損如歐打傷
死痕跡之類屍傍應有器仗物色一一子細說然後
將衣服脫去檢驗若屍在水中或窄暗處難以定驗者
移屍于近便處開說元停移動緣由亦須耳量四至遠
近對眾眼同依法用紙搭蓋醋糟攤疊次用酒醋淋洗
良久搗去自上至下翻轉檢驗定執致命根因于后

一將屍仰而驗得本屍約年若干問據屍親某人

无屍親問屍主

或隣人等說稱已死人某生前約年若干量得身長若干尺

寸而驗肉色如何脂肉陷與不陷兩手脚伸直或拳曲

頂心并水道髻髮緊慢或散解開髻髮有無髻繩如有

云長若干量髻髮長若干四圍長短不齊或頭剃字焦

水道除水首外字焦髮長若干自頂心分髮驗得如有

炎瘡癰痕幾箇圓圓寸分或髮稀无痕或刀剃查髮之

類如有痕傷指定某處有傷一處皮破血出或青赤色

或腫或浮皮破或骨損與骨不損量得長濶深淺周圍

青赤腫高分寸或係手足或他物或磕擦隱熱如有雕

青則云某處有雕青鰲魚或仙人小兒草花之類有無

刺號大小字樣行數或已用藥取痕跡點漆及成疤痕

可取竹削一篋子于痕處提之即見或有見患瘡癰
之類各各備細說六

頂心全 偏左偏右全 顙門全 頭顙全

額角全 兩太陽穴全 兩眉全 眉叢全

兩眼胞全 兩眼開合司羊華開驗得 兩腮頰全

兩耳全 耳輪全 耳垂全有識孔 耳竅全

鼻輪全 鼻準全 兩竅全 人中全

上下唇吻全上唇或有不長若千口內

上下牙齒全 舌全出與未用手開驗得 其色不灰別无

喉全 咽喉全 揣捏得食氣頤全 或塌兩缺盆骨全

兩肩甲全 兩腋肢全 兩胎膊全 兩肱肢全

兩手腕全 兩手心全 十指全 十指趾全

十指甲縫全 腎堂全

兩乳全

心坎全

肚腹全

兩肋全

兩脇全

兩肚全

兩脇全

男子草拔腎
囊歸人陰戶全

兩腿全

兩腋全

兩肱肘全

兩脚腕全

兩腿面全

十趾全

十趾甲全各無他故 如有故則不可稱全

將元心而驗得腦後全

髮際全

耳根全

項項全

兩臂膊全

兩肘肘全

兩手背全

十指全

十指甲全

脊背全

脊脊全

兩後肋全

兩後脇全

腰眼全

兩臂全

穀道全

云有無
莫出

兩腿全

兩脚腕全

兩腿肚全

兩脚蹠全

兩脚跟全

兩脚心全

十趾全

十趾甲縫全各無他故

有故則不稱全

刻平定錄目錄

一檢復總說

人

二

平定錄

四刊本

此書四庫初收目錄自檢復總說至卷末凡四十有三條板
与洗冤至冤三錄一律並首且無冤至錄既引其文則
可著微在書也目錄以首全度初坊五條至重梓字

刻平冤錄目錄

一檢復總說

二驗法

二婦人

四小兒屍首胞胎

五勒死

六自縊死

七落水投河死

八相毆後落水死

九棒毆死

十刀傷死

十一刺死

十二屍首異處

十三拳手足踢死

十四辜內腐死

十五自割死

十六毒藥死

十七火燒死

十八湯潑死

十九病患死

二十凍死

廿一餓死

廿二扶瘡死

廿三罪囚勒死

廿四驚譟死

廿五獺死

廿六壓死

廿七馬踏死

廿八車碾死

廿九被人針灸當下致死

三十雷震死

卅一虎咬死

卅二酒食醉飽死

卅三外物壓塞口鼻死

卅四硬物癰瘡死

卅五蛇虫傷死

卅六男子作過死

卅七白僵乾瘁死

卅八虫鼠犬咬傷死

卅九死屍仰卧停泊微有赤色

四十壞爛死

四一無憑檢驗

四二墳內及屋下攢殞屍

四三發塚

目錄畢

金陵書坊王煥吾重梓

平冤錄

（一）檢覆總說 出洗冤錄平冤錄同

凡檢驗承牒之後不可接見在近官員秀才僧道以防姦欺及招詞訴隨即定立時刻速詣停屍處稱說相離里路檢驗日時庶免稽遲約束行吏等不許輒離

凡檢驗官遇夜宿處須問其家是真不是兇身血屬親戚方可安歇以別嫌疑

凡行兇器仗索之少緩則姦囚之家藏匿移易粧成疑獄可以免死干繫甚重初受差委先當急急收索若早出官又可照痕傷大小潤狹定驗無差

驗時仔細看腦後頂心頭髮內恐有大燒釘子釘入骨內其血不出亦更切點檢眼睛口齒舌鼻大小便二處防

不見痕損

有他物

凡定致命痕雖小當微廣其分寸定致命痕內骨折即聲

說骨不折不須言骨不折却重害也或行兇若欲未死

他日索到異同

檢驗一事若有大段疑難須當廣布耳目以合之庶幾無

誤如鬪毆限內身死痕損不明若有病色曾使醫人師

巫救治之類則多因病患死若不訪問則不知也雖廣

布耳目不可任一人仍在善使人不然適足自誤

凡檢覆後體訪得行兇人事因不可見之公文者面白長

官使知此折庶易鞠勘

隨行人吏及今干人多賣弄四隣先期縱其走避只捉遠

隣或老人婦人及未成丁塞責或不詳已而用之只可

宋金在 又有竹兇人恐要切干証人直供有所妨碍故
令藏匿自以親密人或地客仰客出官合套誣証不可
不知

凡檢死不過刀刃殺傷與他物關毆拳手毆擊或自縊或
勒殺或投水或被人溺殺或病患數者致命而已然有
勒殺類手自縊溺死類手投水關毆有在限內致命而
實因病急身死人力女使因被捶撻在家主自害自縊
之類理有萬端並為疑難臨時審察切勿輕易差之毫
厘謬以千里

凡檢疑難屍首如刃物所傷透過者須看內外瘡口大處
為行刃處小處為透過處如屍首爛須看其元衣服比
傷著去處屍或覆卧其右手有短刃物及竹頭之類自

喉至臍下者恐是酒醉攙倒自壓自傷如近有登高處或泥湏者身上有無錢物有無損動處恐因取物失脚自傷之類

檢婦人有傷損處湏看陰門恐自此入刃于腹內離皮淺則臍上下微有血沁深則無多是單獨人求食婦人如男子湏看頂心恐有平頭釘糞門恐有硬物自此入多是同行人因丈夫年老婦人年少之類

凡屍在身無痕損惟面有青點或一邊似腫多是被人以物搭口鼻及壘塢殺或一用手巾布袋之類絞殺不見痕更看頂上肉硬即是切要看手足有無係縛痕舌上恐有嚼破痕大小便二處恐有踏腫痕若無此類方看口內有無涎壅喉間腫與不腫如有涎及腫恐患纏喉

風死宜詳

被人以衣物或濕紙搭口鼻上死即腹乾脹

若究得行兇人當求有窺謀事跡分明又已招伏方可檢出若無影跡即恐是酒醉卒死

凡檢因爭鬭致死雖二主分明而屍上并無痕損何以定要害致命處此必是被傷人舊有宿患氣痕或是未爭鬭以來先曾飲酒致醉至爭鬭時有所觸犯致氣絕而死者也如此者多是賢子或一箇或兩箇縮上不見須用溫醋湯蘸軟衣服或綿絮之類罨一飯久令件作行人以擦按小處下其賢子自下即其驗也然後子細看要害致命處

有一鄉民令外甥并隣人子將鋤頭同開山種粟經再宿

不歸及往觀馬到茅舍中乃二人俱死在山遂聞官隨身衣服並在牒官檢驗官到地頭見一屍在小茅舍外後項骨斷頭面各有刃傷痕一屍在茅舍內左項下右腦右各有刃傷痕在外者衆曰先被傷而死在內者衆曰後自刃而死官司但以各有傷別無財物定兩相併殺一驗官獨曰不然若以情度情作兩相併殺而死可矣其舍內者右腦後刃傷可疑豈可自用刃于腦後者手不便也不數日間乃緝得一人因讐併殺兩人被殘害死者須檢齒舌耳鼻內或手足指甲中應有簋刺等害之類

凡檢驗屍首指定作被打後服毒身死及被打後自縊身死被打後投水身死之類最須見得親切方可如此定

執世上多有打人後以藥灌入口中誣以自服毒者亦有死後用繩吊起假作生前自縊者亦有死後推在水中假作自投水者一或差互利害不小全須子細點檢有可憑實跡方可辨明

檢得與前驗些少不同遷就改正果有大改違戾不可依隨不可據已見便變易

凡檢驗文字不得作皮破血不出大凡皮破即血出當云皮微損血不出

件作行人受囑多以药病作草投醋内塗傷損處痕皆不見以甘草汁解之則見

人本身赤黑色死後變動作青脰色其痕未見有可疑處先將水洒涅後將葱白拍碎令開塗痕處以醋蘸紙蓋

上侯一時久除去以水洗其痕即見

昔有二人關歐洪頃一人仆地氣絕見證分明及驗出屍乃無痕損檢官甚撓時方寒忽思得計遂令掘一坑深二尺餘依屍長短以柴燒熱得所置屍坑內以衣物覆之良久覺屍溫出屍以酒醋潑紙則致命痕傷遂出

凡驗屍須先責血屬及隣保識認是與不是本屍或屍首經久胖脹腐爛識認不真須先責問元着甚衣服色樣有甚記號及身上有甚疤認處勒分明責狀訖方可檢驗昔有叔姪兩人私爭姪僕因被叔趕打後而姪深藏其僕却誣叔以趕逐落水致死發覺于官無屍可檢其僕右手原有六指遠江流中有死屍右手亦六指遂認爲已僕官亦憑此檢驗却有痕傷叔無以自明在獄誣

伏將出案問叔之家人僞探知姪所藏元僕去所姪亦知叔家知之遂又將所藏僕置之水中後叔家人聞官姪竟服罪前官吏被獲訛責此不可不鑒也

凡檢驗到地頭雖有血屬照條陳乞免檢亦須察其有無屍首在元地所方可領狀昔有趙乙互爭甲死于山頭甲之家屬自來護屍用薦席之類遮覆甲發覺後于夜自默地将屍歸殯殮却將一死犬

凡體問必須先喚集隣証反復審問如歸一則合款供或見聞參差則令各供一款或併責行兇人供吐大畧一併繳申憑此詳覆審勘或小有差互則有重責若憑吏卒開口即是私意須是多方體訪務令叅會歸一即不可憑一二人口說便以為信及脩三兩紙供狀謂可塞

責況其中不識字者多出吏人取責其隣証內或與兒身是親及暗受買囑符合不可不察

行兇人虛實未定者不得已就被執人項下書填其確然是實者須令書押于行兇人字下

（二）驗法

凡檢屍受牒日室鑿時辰如到檢所未得先自向前且干上風坐定喚死人骨肉或地主苑主審問事由所驗之屍還是與不是正屍責狀訖點數干繫人及隣保人應是合于驗狀上着字人及法物齊足○仍多備糟醋葱椒鹽平寬銀有諸字白梅防其痕損難見處藉以掩蓋○仍帶一沙盆槌以研上件物○同吏人至屍所令燒皂角蒼术降真以辟臭穢之氣或用真麻油塗鼻孔邊亦可或

用蘇合香丸塞鼻孔亦可○驗畢約三五步外將醋潑炭火從上過去穢氣若未埋屍首

或在屋內地上或床前或屋前後露天上或在山嶺溪澗草木上并先打量殞屍所在四至高低遠近去離某處若干

在溪澗之中上去至山脚或岸幾許係何人地上地名某處

若屋內係在何處及上下有無物色蓋碑

或自縊在高處則先看吊處及上下繩痕更有繫繩所有無塵土移動及吊處高下元路甚物而上更看項上繩帶垂下長短大小與痕澗狹相似細看是活套頭死套頭

平亮

字

或是單掛十字繫或是纏繞繫各要分

明詳見自臨門

若是臨高撲殺要者失脚處土痕眾跡詳見本門

若是落水渰死亦要者失脚處土痕及量水深淺

詳見本門

並抄剗形狀回至訖○方可扛擡出平穩明淨地上用門

扇簾席襯碑不惹泥土○先剥在身衣服

或婦人首飾

自頭

上至鞋襪并逐一抄剗有隨身行李亦具名件記○且

乾驗一番○次以湯水肥皂洗滌垢膩又以水衝蕩洗

淨○若有青黑去處將水滴在上是痕處則硬水住不

流不是痕處則軟水便流去○次用襯紙厚舖襯屍紙

惟有藤蓮白紙抄紙可用苦竹紙見鹽醋多爛恐侵損

屍體○如法用糟醋擁掩屍首仍以死人衣服盡蓋用

黃醋酒走林又以薦席卷一時只候屍體透軟即去番

物以水衝去糟醋方驗不得信行人說只將酒醋淤過
痕損不出

初春并冬月宜熱煮醋及炒糟令熱

仲春與殘秋宜微熱

夏秋之間糟醋微熱以天氣炎熱恐傷皮肉

秋將深則用熱左右手肋相去三四尺加大燂以氣候差

涼故也

冬雪寒凜屍首僵凍糟醋雖極熱衣被重疊擁覆亦不得
屍軀透軟當掘坑長潤於屍深三尺取炭及木柴過鋪
坑內以火燒令通紅多以醋淋之氣劫然方速擁覆
法物視殭拊屍置於坑內仍用衣被覆蓋蓋再用熱醋淋
遍坑兩邊相去二三尺復以火烘約透去火移屍出驗

冬殘春初不必掘坑只用火烘兩邊又看卽候詳度

從頭檢起解下頭髻量髮長多少擘開頭髮檢頭上頂門

連額門有無他故左右兩太陽穴有無他故兩眼擘開

看雙睛鼻孔口齒舌有無他故兩面臉看有無刺號大

小字揉竹數或已用藥取痕跡黥瘡及成疤痕可取竹

削一范子于痕處撻之卽見兩耳連喉下有無他故左

右兩大小擘連手指并掌心手背十指甲有無他故

刺字或心胸乳房至臍有無他故大肚連小腹下有無

他故左右兩脇肋有無他故陰囊外腎玉莖有無他故

腰人產左右兩大小腿連腳底板十指甲有無他故

番轉死人合面檢腦後乘枕項下有無他故背脊有無

店狀及足跡腰脊有無他故腎脊有無新舊官杖痕有

無膿血瘻門有無他故

其人約年多少身長多少

平寬錄軍人長五尺二寸石性長五尺婦人長四尺五寸

此其大

屍首甚處有傷損磕擦痕或青點紫點赤腫黑

約也

鱗並量見大小深淺分寸定執致命之因甚處有雕青

灸盤瘡密開寫新舊有無膿血甚處有見患疥癬癰

瘡甚處有點記之類並一一畫行声說知無亦用開寫

若傷損痕跡未甚分明却再用醋糟攤卷良久去糟以

水衝洗於露天處以新油絹或明油兩傘覆蓋於見處

迎日隔傘看痕即現若陰雨以熱炭隔照此良法也

或更隱難見以白梅搗爛攤在款見之處再攤卷看若

尤未全再以白梅取肉加葱椒鹽糟一處研拍作餅子

火上煨令熱烙損處下先用紙襯之即見其損

四縫屍首切頭子細躬親看驗頭上頂顙門乘枕左右
兩額角太陽髻門項下及當心左右兩脇上下小腹左
右及陰囊王莖腦後左右兩肋處並係紫切虛怯要害
致命之處處有他故於肉若一處有痕損在要害致命
處或非致命處並即令仵作指定喝起

方可押兩隣人及親屬于繫見認了各即令書押格目
驗狀訖

就驗處觀碑屍首上復以薦席之類覆蓋候畢週圍用
灰印記責耆正副隣人看守狀附案

覆檢官檢訖如無爭論方可給屍於親屬無親屬者責
附本部理密知府爭論切未可給屍即掘一坑就所殯
物掘屍安頓坑內上以門扇蓋以土覆壅作堆週迴用

死印印記防備後以未官司覆檢仍責看守狀附案

屍首無痕惟頭面有青點或一邊似腫多是被物搭口鼻及脊接殺或用手巾布袋之類絞殺不見痕更背項上肉硬即是

若突得竹兇人當求有窺謀事即分明如人招伏即可檢出若無影跡即是酒醉卒死

屍首無痕即驗兩手脚有無縛痕如有即驗項或口是用衣服掩口鼻而死須有肉硬舌尖上恐有嚼破痕大小便二處是不是踏腫痕

老年人被手掩死亦無痕損

屍首肥壯無痕損不黃瘦不得作病患死檢須子細驗定因何致死惟此最誤

三婦人 驗懷孕在小兒尸首包胎門

驗婦人不可避羞

驗是處女不是處女打量割下四至訖擗出光明平穩處
令收生婆剪去中指指甲用綿札先勒死人母親及血
屬并隣婦二三人同看驗是與不是處女今收生婆以
中指入產門中有點血即是無即非次如前洗養驗屍
婦人有胎孕不明致死者檢驗後勒收生婆驗腹內委實
有無胎孕若有胎孕心下至臍肚以手拍之堅如鐵石
如無即軟又勒生婆定驗產門內有無他故
有孕婦人被殺或因產子不下身死屍經埋地窖檢獲却
有死孩兒推詳其故蓋屍埋領地窖因地水火風吹死
人口首脹滿骨節縫開故逐出腹中胎孕子亦有臍帶

之類皆在死脚下產門有血水惡物流出以上平寔

產門血水惡物流出驗是產子不下致命身死或是有姙

用毒藥使胎致命身死當用銀釵入產門試看如驗中

毒服毒法以上出平寔錄

若富家女使先量死處四至了便扛出大路上檢驗有無

痕損令衆人見以避嫌疑平寔錄同

四小兒屍首包胎

墮胎驗得所墮身孕係幾箇月日驗是因毆墮落共母別

無損傷若初驗因打而落者其四肢或全胎髮生已生

六箇月有髮

有因爭鬭將子跌殺謀執或將子手足捉了用脚跟千喉

下踏死者若究得始末殺情可令仵作行人以手按其

喉必塌方辨真偽

驗小兒胞胎令收生婆定驗月數定成人形或未成形責
狀附案

墮胎兒在母腹中被驚後死胎下者衣胞紫黑色血痕軟
弱生下腹外死者其屍淡紅赤無紫黑色及胞衣白若
月未足者其身體必有生未全處仍集生婆驗之律云
打而落

驗墮胎者惟律未成形像杖一百墮胎者徒二年

胎子落者按五臟論胎一月如珠露二月如桃花三月男
女分四月形像具五月筋骨成六月毛髮生七月動左
手是男於母左八月動右手是女於母右九月三轉身
十月滿足各處像未成形像只驗形墮胎作血由一片

或一塊若經日久壞爛多化為惡水若墮胎已成形像者謂頭腦口眼耳鼻手脚指甲等全者亦有臍帶之類

五勒死

勒死本屍口開眼瞪

直耕切怒日直視也

項上勒痕黑色圓圓長若

千寸深闊若干分食氣頸塌項痕交匝委是被人勒死

自縊者舌出項痕不出止結索式

因患自勒死其屍兩眼合唇皮開露齒咬舌出一二分肉色黃形瘦劣兩手拳握臂後有糞出左右手內多是把自繫物色至繫緊死後亦只在手內

須量兩手拳相去以尺寸以來

喉下自繫痕跡

結索式黑紫色

週圍長一尺餘結締在喉下前

面分數較深

曾被救解則其屍多口不咬舌臂後無糞出平

被人勒死則項下索子交過并手指甲抓損

被人打損以繩勒死者其屍被勒處喉下黑跡只可六

七寸以來即不至項後臂後有糞出多

被人絞勒喉下死者其屍口眼開兩拳散頭髮寬慢喉

下黑痕週圍一尺以來

出平

自縊被人勒殺或箠殺假作自縊甚易辨真自縊者用繩

帶索帛之類繫縛處交至左右耳後深紫色眼合唇開

手握齒露

縊在喉上則舌抵齒喉下則舌多出背前有涎沫滴臂

後有糞出

若被人行打勒殺假作自縊則口眼多開手散髻寬慢
喉下血脉不行痕跡淺淡無血瘀黑跡舌不出亦不抵
齒項上肉有指爪痕身上則有要害致命傷損去處出
洗寃錄

凡被人隔物或牕櫺或林木之類勒死偽作自縊則繩不
交喉下痕多平過却極深黑淥色亦不起于耳後髮際
絞勒猴下死者結締交在死人項後兩手不垂下縱垂
下亦不直項後結交却有背倚柱等處或把衫襟搗鴻楚
作包木著即猴下有衣衫領痕跡黑色是要害處氣悶
身死

凡檢被勒并死人將項下勒繩索或是諸般帶系臨時子
細聲說纏繞過遭數多是于項後當正或偏左右繫定

須有繫不盡垂頭處其屍合面地卧為被勒時爭命須
是揉撲得頭髮或角子散慢或沁身上有磕擦暑痕
凡被勒身死人須看觀尸身四畔有扎磨蹤迹去處

死後被人用繩索繫扎手脚及項下等處其人已死氣血
不行雖被扎繫其痕不紫赤有白痕可驗死後繫縛者
無血瘀繫縛痕雖深入皮即無青紫赤色但只是白痕
有用大篦烙成痕但紅色或焦赤帶濕不乾

生前未死間即時吊起詐作自縊此稍難辨

以上註出
沈定錄

（六）自縊死

與勒死通

量得梁高幾尺以上其屍兩脚懸空舌出項痕不匝驗得
生前自縊身死

此與勒死者形證各殊出結案式

或在屋下自縊先看所縊處楣梁枋桁之類塵土衣刮至多方是如只有一路無塵不是自縊

先以杖子於所繫繩索上輕敲如緊直乃是或寬慢即是移屍大凡移屍別要吊掛舊痕那動便有兩痕

平寬洗寬銀月

凡檢自縊之屍先要見得在甚地方甚街巷甚人家何人見本人自用甚物於某處搭過或作十字死襪繫定或於項下作活套却驗所着衣新舊打量身四至東西南北至甚物面觀甚處看屍背向甚處其死人用甚物踏上上量頭尾去所吊處相去若干尺寸下量脚下至地相去若干尺寸或所縊處雖低亦看頭上懸掛索處下至所離處並量相去若干尺寸對衆解下扛屍于露

明處方解脫自縊套繩通量長若干尺寸量圍喉下套頭繩圍長若干項下交圍量到耳後髮際起處濶狹橫斜長短然後依法檢驗 出洗冤錄

自縊不論吊掛高低間有跪地死者

自縊處須高八尺以上兩脚懸虛所踏物須倍高如懸虛處或縊在床櫓或火爐或船倉內但高二三尺以來

亦可自縊而死亦量四至相離去處 平寬洗冤錄同

在睡床頭櫓下及火爐下將繩自縊喉下身死床與火

爐須高三尺以來即其屍懸頭頸身橫身卧喉下自縊

跡痕偏邪多不至腦後髮際下 出平定錄

若經泥兩須看死人赤脚或着鞋其踏上處有無印下脚

亦出洗

目縫身死者兩眼合唇口黑皮開露齒若勒喉上即口閉
牙閉緊舌抵齒不出一云齒微咬舌若勒喉下則口開舌尖出
齒門二分至三分面帶紫赤色口吻兩角及背前有吐
涎沫兩手須拳握大拇指兩脚尖直垂下腿上有血瘰
如火炙斑痕及肚下至小腹並墜下青黑色大小便自
出

臂有囊出大腸頭或有一兩點血喉下痕紫赤色或黑
淤色直至左右耳後髮際橫長九寸以上至一尺以來
一云丈夫合一尺一寸婦人合一尺或作黑淤跡更可解下屍首看驗看
死人所用物色同與不同自縊喉下痕跡
脚虛則喉下勒深實則淺人肥則勒深瘦則淺用細紫
麻繩草索在高處自縊懸頭頓身致死則痕跡深若用

全幅勒帛及白練項帕等物又在低處縊則痕跡分中較淺低處自縊身多卧于下或側或覆則卧其痕偏斜起橫喉下覆卧其痕正在喉下起于耳邊多不至腦後髮際

手寬洗冤錄同

有用大篦烙成痕但紅色或焦赤帶濕不乾

出平寬錄

被人拳踢毆打死後繫勒喉下懸掛假作自縊身死者其屍口眼多開兩手散頭髻寬慢身上有要害傷損及喉下有被人繫勒懸掛痕由喉下即無血痕黑跡舌不出亦不抵齒

出平寬錄

被人隔物或施橋或樹之類勒死偽作自縊則繩不交喉下痕多平過極深黑點色亦不起于耳後髮際

出平寬錄

有活套

平寬錄

頭死套頭車繫十字纏束縊頭有死

人脚踏甚物入頭在繩套內須垂得繩套寬入頭方是
須有踏物上縊處跡由

活套頭脚到地并跪膝到地亦可死
死套頭脚到地并跪膝到地亦可死

單繫十字懸空方可死脚尖稍到地亦不死單繫十字

單出

是死人先自用繩帶自繫頂上後自以手繫高

處先看上頭繫處塵土及死人踏甚處物自以手

攀繫得向上向繩頭着方是若是上面繫繩頭處或高或

大手不能攀及不能上則是別人吊起更看所繫處物

伸縮須是頭墜下去上頭繫處一尺以上方是若是項

繫抵上頭定是別人吊起

纏繞繫是死人先將繩帶纏繞項上兩遭自踏高繫在上

面垂身致死或是先繫繩帶在梁棟或樹枝上雙襠垂下踏高入頭在襠內更纏過一兩連其痕成兩路上一路纏過耳後斜入髮際下一路平遠項行吏畏避駁難必告檢官乞只申一痕切不可信若除了上一痕不成自縊若除了下一痕正是致命覆害去處或覆檢官不肯相同書填格目血屬有詞再差官要檢為之奈何湏是據實不可只作一條痕檢其相疊與分開處作兩截量盡取頭了盡取樣子更重將遠繫處繩帶纏過比並闊狹並同任從復檢可無後患平寃洗寃錄同

凡檢驗自縊人不可便定驗作自縊致命未辨子細只可稱其人係是生前用繩索縊着咽喉上或咽喉下要害致命身死以防死人別有枉橫且如生前勒未死間吊

起假作自縊此稍難辨或有人睡著被人將繩索勒咽喉吊起身死其檢驗官司如何見得是自縊身死的實宜子細也自刎宜如之

凡因患在床仰臥將繩帶等物自縊者其屍兩眼合唇皮開露齒咬舌出一分至二分肉色黃形瘦兩手握臂後有糞出左右手內多是把自縊物色至緊緊死後亦只在手內

須量兩手拳相去幾寸以來

喉下自縊痕跡紫赤周圍長一尺餘結締在喉下前面
分數較深

曾被救解則其屍肚脹多口不咬舌臀後無糞出洗死後繫縛者無血癢繫縛痕雖深入皮即無青紫赤色但

白痕

出平冤錄

多有人家女使人力或外人于家中自縊其人不曉法避
 見臭穢反避檢驗逐移屍出外吊掛舊痕移動致有兩
 痕舊痕紫赤有血痕移動只白色無血痕移屍事理甚
 分明要公行根究開坐生前與死後痕蓋移屍不過杖
 罪若漏落不具復檢官不相雜應申作兩痕官司必反
 見疑益重干連人之禍 平冤洗冤錄同

屍首日久壞爛頭吊在上屍側在地肉潰見骨但驗所吊

頭其繩若入槽

謂兩耳連頭下深向骨味者

及驗兩手腕骨頭腦骨

皆赤者是

一云齒赤色及十指尖骨赤色者是平冤洗冤錄同

一七落水投河死

附落梁可

本屍肉色潰白口開眼合肚皮胖脹指甲內有沙泥其水

深八尺以上委是生前落水投河致命身死

死後棄水中若指印

如無以泥出結案式

打死棄水中肉色帶黃不白口眼俱合兩指微屈腹肚不

脹身有痕損指甲內無沙泥

出案結案式

死後繩繫縛無血癰痕不紫赤

詳在勒死門

初春雪寒經數日方浮與春末夏初不同

身上無別故即是落水

若病患溺死則不計水之深淺可以致死

水深三四尺以上可以致死

若失脚湏看失脚處痕

有故入井湏脚在下若頭在下恐被人趕逼或他人推

送入井

落水落井屍肉色潰白口合兩手拳握眼微開肚腹微脹

屍脚或著草鞋或著鞋其鞋內

一本云或著草鞋內

并手脚十

指甲鏤有沙泥土

眼多被

他活切皮剝也

口鼻內白水沫出

頭面仰

腹肚脹

打著响

兩脚底皺白不脹

兩手兩脚俱向前

男仆卧

女仰卧若在江河陂潭池塘間難以打量四至只看屍

所浮在何處

如未浮打撈方出聲說在何處打撈見屍

池塘或坎井有水處可以致命者須量見淺深丈尺如坎井則量四至

江河陂潭屍起浮或見處地岸并池塘坎井係何人所管地名何處

量井之四至係何人地

其井地名何處井深屍在底則不必量但約深若干丈尺方撈屍出

屍在井中滿脹則浮出尺餘于外水淺則不出

若出看頭或脚在上在下先量見尺寸

不出亦以丈竿量到屍近邊尺寸亦看頭或脚在上下

打撈屍于岸上平穩處檢驗復檢遲經風日吹洒遍身上屍必皮起或生白泡

先剥屍衣看驗若肉色不

清白是

白而脚拳頭髻紫頭與

髮際手脚爪縫或鞋內並有沙泥須有磕擦損處

出洗

被人毆打殺死推在水內或致在井中入水深則脹淺則

不甚脹其屍肉色帶黃不白口眼開兩手散頭髻寬慢

肚皮不脹口眼耳鼻無水涇流出指爪罅縫並無沙泥

兩手不拳縮兩脚底不皺白却虛脹身上有要害致命

丁著傷損處其痕黑色屍有肥瘦臨時看驗若驗得損

傷錄其痕跡雖是投水亦合推究

手究洗究錄同

生前溺水屍首男仆卧女仰卧頭向仰兩手脚脚俱向前

口合眼開閉不定兩手拳握腹肚脹拍著響

落水則手

手足微腫者水則手兩脚皴白不脹頭髻聚頭與髮際

手脚爪縫或脚著鞋則鞋內各有沙泥口鼻內有沫及

有些少淡色血污或有磕擦損處此是生前溺水之故

也蓋其人未死必須爭命氣脉往來搐水入腸故兩手

自然拳曲脚罅縫必有沙泥口鼻有水

沫涎出腹內有

水搥死身上無痕面赤色即是倒提水搥死

平寬洗寬錄

渰水死者若屍面色微赤口鼻內有泥水沫肚內有水腹

腔微脹是渰水身死

平寬洗寬錄同

因疾病身死若被人拖掉在水內即口鼻無水沫肚內無

水不脹面色微黃肌肉微瘦

因疾急溺死則不計水之深淺可以致死身上別無他

故出洗寬錄

諸自投井被人推送入井自失脚落井屍首大同小異皆
頭目有被磚石磕擦痕指甲毛髮有沙泥腹肚脹則覆
卧之則口內水出別無他故只作落水身死即投井推
入在其間矣所謂落井小異者推入與自落井則手開
眼微開腰身或有錢物之類自投井則眼合手握身間
無物

自投河被人推入河若水稍深潤則無磕擦沙泥等事若
水淺狹亦與投井落井無異大抵水深三四尺皆能淹
殺人驗之果無他故只作落水身死則自投推入在其
間矣若身有纏索及微有痕損可疑則宜檢作被人謀
害致水身死

出洗冤錄

當今若是如此定執致命根因

必致

上司疏放利害口匪輕切宜詳審

諸弱河池

行遲者謂之河不
行遲者謂之河不

不檢驗之時先問元申人早晚

見屍在水內見時便只在今處或自漂流而來若是漂
流而來即問是東西南北又如何流到此便住如何申
官如稱見其人落水即問當時曾與不曾救應若曾救
應其人未出水時已死或救應上岸才方死或即申官
或經幾時申官

檢溺死之屍水浸多日屍首胖脹難以顯見致死之因宜
只說頭髮脫落頭目胖脹唇口番張頭面連遍身上下
皮血並皆一槩青黑腿皮驗是本人在井或河內死後
水浸經隔日數致有此今來無憑檢驗本人沁身有無
傷損他故又定奪年顏形狀不得只驗得本人口鼻內
有沫腹脹驗得前件屍首委是某處水溺身死其水浸

更多日無憑檢驗即不用申說致死因依

凡溺死之人若是人家奴婢或妻女落水先已曾被打在身有傷今次又的然見得是自落水或投井身死于格目內亦須分明具出傷痕定作被打後溺水身死

投井死人如不曾與人交爭驗屍時面目頭額有利刃痕又依舊帶血似生前痕此須看井內有破瓷器之屬以致傷著人初入井時氣尚未絕其痕依舊帶血若驗作生前刃傷豈不利害

以上并出洗冤錄

落渠死因患倒泥渠內身死者其屍口眼開兩手微握身上衣裳并口鼻耳髮際并有青泥汚者須脫下衣裳用水淋洗酒噴其屍被泥水淹浸即肉色微白肚皮微脹十指甲有泥

平定洗冤錄同

諸溺井之人檢驗時問元申之人如何知得井內有人初見有人時其人死未既知未死因何不救應其屍未浮如何知得井內有人若是屋下之井即問身死人自後早晚不見却如何知在井內凡井內有人其井面自然先有水沫以此為驗

出洗冤錄

〔八〕相毆後落水死

多有人聞毆了各自分散後或去近江河池塘邊洗頭面上血或取水喫方相打了尚困乏或因醉相打後頭旋落水淹死落水時尚活其屍腹肚膨脹十指甲有沙泥兩手向前驗得落水淹死分明其屍上有毆打痕損更不可定作致命去處但一一剖上驗狀只定作落水致死最便緣打傷雖在要害尚有辜限內以他故死者各

依毆傷法

注他故謂別增餘處而死者

今既是落水身死則雖有痕

傷其實是他故致命分明曾有驗官為見頭上傷損却定作因打傷迷悶不覺倒在水中却將打傷處作致命招罪人翻異不絕大不可更有相打散乘高撲下致死亦然但須驗失脚處高下撲損痕癥致命要害處仍須根究曾見相打分散証佐

平定洗冤錄同

九捧毆死

附拳手并

本屍眼開手散頭髮寬慢肚皮不脹除沁身輕蕩外某處有傷一處長闊若干分寸此係要害去處驗是生前捧毆身死

出結案式

他物致死痕或青或赤或紫或黑腫黯或斜或橫或直量見大小分寸共計幾處

傷處多只指定一處係要害致命

被打死屍口眼開髮髻亂衣服不齊整兩手不舉或有
溺汚內衣余見拳手門

手足折傷亦有可死其痕周匝有血瘡方定是前生打
子細辨驗棒木皮卷成假痕

打傷處皮膜相離以手按之則響以熱醋卷之則有痕
打著頭面額角兩太陽穴腦頭并兩脇肋後如大段打
破深重骨損時定是要害身死

打折脚手限內或限外身死時要詳打傷處分寸濶狹
後定是將養不較致命身死 平寬洗寬錄同

假作打死將青竹篾火燒烙之只有焦黑痕淺光平不紫

硬平寬洗寬錄同

看其痕大小量見分寸又看幾處皆可致命只指一重處定作虛怯要害身死出洗冤錄

聚衆打人最難定致命痕如死人身上有兩痕皆可致命此二痕若是一人下手則無害若是兩人則一人償命一人不償命須于兩痕中斟酌最重者為致命

檢驗文字不得作皮破血不出六九皮破則血出當云皮微損血不出以上平冤洗冤錄同

凡行兇人若用棒杖等行打多先在實處其被傷人或經一兩時辰或一兩日或三五日以至七八日十餘日身死又有用堅硬他物行打便致身死者更看痕跡輕重若是先驅梓被傷人頭髻然後用散拳踢打則多在虛怯要害處或一拳一脚便致命若因脚踢着要害處致

命切要仔細檢認行兇人腳上有無鞋履

見血為傷非手足者其餘皆為他物即兵不用刃亦是

諸他物是鐵鞭尺斧頭刃背木桿棒馬鞭木柴磚石瓦

簾布鞋襪底鞋皮鞋革鞋之類

若辜限內死須驗傷痕是與不是在於頭及因破傷風灌注致命身死

他物及手足毆傷痕損須在頭面上胸前兩乳脇肋膀臍
腰間大小便二處方可作要害致命去處

他物及頭額拳手脚足堅硬之物撞破痕損顏色其至重
者紫黯微腫次重者紫赤微腫又其次青赤色其出限
外痕損者其色微青

凡他物打著其痕即斜長或橫長如拳手打著即方圓如

脚足踢比如拳手分寸較大凡傷痕大小定作拳足他物當以上件物比定方可
拷今凡打著兩日身死今寸稍大毒氣蓄積向底可約
得一兩日後身死若是打著當下身死則今寸深重毒
氣紫黑即時向裏可以當下身死以上出洗冤錄

諸以身就物謂之磕雖著無破壞其痕方圓雖破亦不至
深其被他物及手足傷皮雖傷而血不出者其傷痕有
紫赤暈平寃洗冤錄同

凡他物傷若在頭腦者其皮不破即損骨損肉也若在其
他虛處即臨時看驗若是屍首在邊損即是兇身行右
物致打順故也若是右邊損即損處在近後若在右前
即非也若在後即又慮兇身自後行他物致打貴在審

若將樺木皮卷成痕假作他物痕其痕內爛損黑色四圍青色聚成一片而無虛腫捺不堅硬

死後以樺木皮卷者即若無散遠青赤色只微有黑色而按之不堅硬者其痕乃死後卷之也蓋人死後血脉不行致樺不能施其效更在審詳元情死首痕損那邊長短能合他物大小臨時裁之必無踈誤評笔洗冤錄凡檢他物及拳踢痕細認斜長方圓皮有微損未洗死前用水洒濕先將葱白搗爛塗后以醋糟候一時除以水洗痕即出

⑩刀傷死

本屍某處破傷一處長闊今寸若干其傷皮肉齊截認是刀傷致命身死咽候上傷云食氣類斷腦上云腦破有

血出凝流出結案式

二四

凡驗是與不是刀刃快物所傷傷痕口皮肉有血透膜肉
潤花文紋此物出捻有鮮紅血

死後刀刃割損乾白無血捻是清水

勒屠行定驗結罪狀供証是與不是生前死后傷損
在辜限內死須驗傷處是破傷風灌注致命身死

大刀斧痕上潤內必狹

大刀痕淺必狹深必潤

鎗刺痕淺則狹深必透鋒其痕帶圓

屍口眼及開頭髻寬或亂而手微握皮肉及捺凸若透
膜腸臍必出

洗淨了量長闊若干今寸深若干今寸或斜或亂

衆指定要害去處致命其餘則據所傷

手洗完錄

殺傷其被傷人見行兇人用刀物來傷之時必須爭執用手來遮截手上必有傷損或有來護者亦必背上有傷若處若行兇人于虛怯要害處一刀直致命者死人手上無傷其處必重若行兇人用刀物研著腦上頂門腦角後髮際必須研新頭髮如用刀剪者若頭頂骨折即是尖物刺著頭用手捏著其骨損與不損刀傷處其痕兩頭尖小無起手收手輕重

或只用竹鎗尖竹樁幹著要害處瘡口多不齊整其痕方圓不勻

凡檢被快利物傷死者須看元著衣衫有無破傷處隱對痕血點可驗

又如刀截傷腸肚出者其被傷處雖有刀刀捺割兩三痕又有刀所傷如何却有兩三痕蓋凡人腸臟盤在左右脇下是以捺割着兩三痕

凡檢刀鎗刃斫殺須開說死在甚處何當著甚衣服上有無血跡傷處長闊深分寸透肉不透肉或腸肚出膏膜出作致命處仍檢刃傷衣服穿孔如被竹鎗尖物斫傷致命便說尖硬物斫傷致死

死後刀刃割傷處更無血花蓋人死後血脉不行是以血色白也

活人被刃殺傷死者其被刃處皮骨緊縮有血瘀四畔若被支解者筋骨皮肉相粘受刃處皮縮骨露

死人被割斫屍首其皮血如舊血不凝瘀被割處皮不除

雖刃盡處无血流其色白縱痕下有血洗檢擠擦肉内
无清血出即非生前被刃矣

更有截下頭者活時斬下筋縮入死後截下項長並不伸
縮

凡檢驗被殺身死屍首如是尖刃物方說被刺要害若是
齊頭刃物即不說刺字如被傷著肚皮兩肋下或臍下
說長闊分寸後便說斜深透内脂膜肚腸出有血汚驗
是要害被傷割處致命身死若是傷著心前肋上只說
斜深透内有血汚驗是要害致命身死如傷著喉下時
說深至頸鎖骨損無周圍所割得有方圓不齊去處食
系氣系並新有血汚致命身死亦可說要害處如傷著
頭面上或太陽穴腦角後髮際内如行兇人刃物大方

說骨損若腦漿出時有血污亦定作要害處致命身死
如斫或刺著心身不拘那裡若經隔數日身死便說將
養不較致命身死

允檢驗被殺傷人未到驗所先問元申人曾與不曾收捉
得行兇人是何色目人使是何刃物曾與不曾收得刃
物如收得取索看大小著紙畫樣如不曾收得則問刃
物在甚麼處亦令元申人畫刃物樣畫訖令元申人于樣
下書押字更問元申人其行兇人與被殺人是與不是
親戚有無冤仇已出出洗冤錄

允驗殺傷先看是與不是刀刃等物及生前死後痕傷如
生前被刃傷其痕肉凋花文交出若肉痕齊截是死後
假作刃傷痕

肉痕齊截之說與今之考試程式相違則前論已及之矣

如生前刃傷即有血汁及所傷痕瘡口皮內血多花鮮色所損透膜即死若死后用刀刃割傷處肉色即乾白更无血花也蓋人死後血脈不行是以肉色白此說可用

(十二) 刺死

驗清本屍亡服開頭髻亂兩手微握驗是被人刺中致命身死出結案式

形證並在刃傷死門

(十三) 屍首異處

支解死屍幾新對勘相同于分斷處肉色不紅難有痕跡別無血髓驗是死后血氣不行支解痕跡出結案式

九驗屍首異處勒家屬先辨認尸首務要子細打量屍首
頃處四至訖次量首級離尸遠近或左或右或去肩脚
若干尺寸支解手臂脚腿各量別計仍各寫將去屍遠
近却隨其所解肢體與屍相接提揆首級與項相接圍
量分寸一箠係刃物斫落若項下皮肉捲凸兩肩並聳
係生前斫落皮肉不捲凸肩并不聳彼係死後斫落平
寬洗寔錄同

(十三)拳手足踢死 拳手兩傷結案式在諸傷門

痕紫黑點色看其大小量見分寸又看幾處皆可致命只
指一重要害處定虛怯要害致命身死

屍口眼不閉兩手散髻髮亂衣服毀破踢痕方圓或者
鞋間有微損其痕周圍有痕癢化物亦同

頭面項上胸前兩乳脇肋臍大小便處方可定驗致命

要害去處

他外

踢打著項下當正或偏左邊踢著肋上

肋下及陰囊小腹等處並說方圓分寸

出乎兜錄

若口齒咬傷齒內有風

佩字一本

著于瘡口多致身死

少有生者其咬破處瘡口一道周迴骨折必有濃水漆

浸皮肉損爛因此將養不較致命身死其痕有口齒跡

及有皮肉不齊去處出洗究對自刑門

額肘膝擦頭撞致死作他物靴鞋不堅更難待他物之說

不可用之于今案碍結案前論已及之矣

中食果實金石藥毒死有類拳手傷痕

詳在毒藥死門

(十) 毒內病死

驗得元傷去處已是平復別无行風入瘡痕跡其屍肌体

瘦弱肉色痿黃口眼俱合兩手舒展某處或有新針剝
盤痕在傍或有是何藥貼問得屍親或奴說稱曾請某
醫看治勾問得委係患某病證曾用上件藥餌調治驗
是毒內別增余患身死 出結案式

(十五)自剖死剝手指并咬手指死

本屍口眼俱合兩手拳握肉黃髮聚項上有傷一處長若
千寸深若干分食氣藥斷驗是生前以刀自剖身死出
結案式

自剖喉下身死者其屍口眼合兩手拳握臂曲而縮蓋死
人用手把定刀物似作力勢其手自然拳握

肉色黃頭髮紫

若用小刀自剖可長一寸五分至二寸以來

用食刀即長三寸至四寸以來

用硬斃器割分数不大

逐項器刃自割並下刃一頭尖小

但傷着氣喉即死

看死人所用左右手各有割痕不同

余無他故即是自割

將刀物自割斃死者其屍肉色黃口眼合兩手拳握頭

髻緊

自割斃者喉下心前腹上兩脇肋大傷頂門處但傷着

喉要害一處分数雖小即死

割斃不深及不係要害及三兩處分数小淺未得致命

臨時看驗形体肥瘦及看元着衣衫有無破傷處

用右手起刃必自左耳後刀過喉一二寸用左手刃必起自右耳後

傷在腋下喉骨上難死蓋喉骨堅也在喉骨下易死蓋喉骨下虛而易斷也

生前刃傷有血痕

死後刃傷無血痕痕一本作打字以上平冤洗冤錄同

被人將刀割割傷死者其屍口眼開頭髻寬兩手微握被傷處要害分數較大多是腸胃腸出

不用刀只用竹槍尖竹撐幹著要害處身死被傷處痕口多不齊整出平冤錄

自割痕起手重收手輕假如用左手把刃而傷則喉右邊下手處深左邊收刃處淺其中間不如右邊蓋下刃太

重漸、負痛縮手因而輕淺及左手須似握物是也右手亦然

凡自割喉下只是一出刀痕若當下身死時痕深一寸七分食系氣系並斷如傷一日以下身死深一寸五分食系斷氣系微破如傷三五日以後死者深一寸三分食系斷須頭髻角子微慢

更看其人面愁而眉皺即是自割之狀此亦系者也

若自用刀剝下手并指節者其皮頭皆齊必有藥對扎雖是刃物自傷必不能當下身死必是將養不較方致死其痕肉皮頭捲向裏如死後傷者即皮不捲向裏以此為驗

凡有人因自用口齒咬下手指者齒內有風鹹云著於痕口多致身死少有生者其咬破處瘡口周迴一道骨折必有膿水淹浸皮肉損爛將養不較致命身死其痕內口齒跡及有皮血不齊去處

驗自刑人即先問元申人其身死人是何色目人自刑時或早或晚用何刃物若有人來識認即問身死人年若干在生之日使左手使右手或奴婢即先討契書更問有無親戚及已使人使左手使右手並頂子細看驗痕跡去處以上並出洗冤錄

〔五〕毒藥死

本屍唇破舌爛口內紫黑手指甲青以銀釵探入喉中少時取出其釵黑色認是生前中毒致命身死出結案式

中虫毒死遍身上下頭面胸心並深青黑色或肚脹或口
內吐血或糞門內瀉血

中食果實金石藥毒死其屍上下或有一二處青腫有類
拳手傷痕或成大片青黑色并爪甲黑身體內縫微有
血或腹脹或瀉血

中鼠鱗草

江南有此

毒死亦類中虫口唇裂齒齦青黑色

此毒經一宿一日方可驗九竅有血汁流出

中砒霜野葛毒死春夏秋冬得一伏時遍身發小皰作青
黑色身上亦作青黑色眼睛綻出舌上生小刺皰舌亦
綻出口唇破裂兩下脹大腹肚膨脹糞門脹綻十指甲
唇有青黑色若飽伏時上一半青飢服時下一半青外
腎脹大

中金蚕蠱毒死屍瘦劣遍身黃白色眼睛塌口齒露出上下口唇縮腹肚塌將銀釵驗作黃浪色用皂角水洗不去方是

一云如是口身体脹皮肉似湯火炮起漸次為膿舌頭唇鼻皆破裂乃是中金蚕蠱毒之狀

服毒死驗時用銀釵以皂角水揩洗過探入死人口中喉內以紙密封良久取出作青黑色再用皂角水揩洗其色不去即是如無其色鮮白

又驗時將白飯一塊入死人口中喉內用紙蓋一兩時辰取出飯與雞喫雞亦死即是

服毒中毒人生前喫物壓下入腸臟內試驗無証即自殺道內試其色即見

生前中毒屍遍身作青黑色多日皮肉尚有亦作黑色若經久皮肉潰壞見骨其骨作黯黑色

死後將毒藥灌入在口中假作中毒皮肉與骨只作黃白色

中酒毒服脹或吐瀉血

凡服毒死屍口眼多開面紫黯或青色唇紫黑手指甲俱青黯口眼耳鼻間有血出中毒亦然銀釵驗是黑色是

甚者遍身黑腫面作青黑色唇捲發皺舌縮或裂拆爛腫微出唇亦爛腫或裂折指甲尖黑喉腹脹作黑色生斑身或青斑眼突口鼻眼內出紫黑血鬚髮浮不堪洗示死先須吐出惡物或瀉黑血糞門腫突出或大腸突

出

服毒藥或即時發作或當日早晚發作其藥慢或一兩日
發作一本作或字是翻吐或吐不絕仍須衣服上尋余
藥及身死生處尋藥物器血之類

被藥死口服開遍身黑腫口鼻眼內出紫黑血或手脚指

甲黑色皮有折裂髮

一本作髮

髮浮不堪楷洗仍詢究未死

前須吐出惡物或瀉下黑色穀道腫或大腸突出以上

二錄同

又中蠱毒頭面胸前深青黑肚脹吐血瀉血

出平冤錄

空腹服毒惟腹肚青脹而唇口指甲不青

飽後服毒惟唇指甲青而腹肚不青

虛法

虛隔

老病人服毒便死腹肚口唇指甲皆不青者

却參以他故

中藥毒菌輩毒皮力多裂舌與冀門皆露出手脚指甲及
身上青黑色口鼻多出血

飲酒相反如因吐瀉瘦弱皮膚微黑不破裂口內無血與
冀門不出乃是

凡檢驗毒死屍間有服毒已久蘊積在內試驗不出者須
先以銀或銅釵探入死人喉訖却用熱糟醋自下會洗
漸：向上須令氣透其毒氣薰蒸黑色始現如便將熱
糟醋自上而下則其熱氣逼毒氣向下不復可見或就
冀門上試探則用糟醋當反是

又一法用大米或占米三升炊飯用淨糯米一升淘洗了
用布袱盛就于所炊飯上炊饋

南文切音分半蒸也

取雞子一箇

鴨子亦可打破取白拌糯米飯令勻依前裊起著在前
大米粘米飯上以手三指緊握糯米飯如鴨子大母令
冷急開屍口齒外放著及用小紙三五張搭遮屍口耳
鼻臀陰門之處仍用新綿絮三五條蘸醋三五升用猛
火煎數湯將綿絮放醋燭內煮半時取出仍用糟盪盪
屍却將綿絮蓋覆若是死人生前被毒其屍即腫脹口
內黑臭惡汁噴來綿絮上不可近后除去綿絮糯米飯
被臭惡汁亦黑色而臭此是受毒藥之狀如無則非試
驗糯米飯封起申官府之時分明開說此檢驗訣
廣南人小有爭怒賴人自服胡蔓草一名斷腸草形如阿
魏葉長尖條蔓生服三葉以上即死乾者或收藏經久
作末食亦死如方食未久將大糞汁灌之可解其草近

人則棄動將嫩葉心浸水消滴入口則百竅潰血其法
急取抱卵不生雞子細研和麻油開口灌入乃盡吐出
惡物而甦如少遲無可救者以上并出洗冤錄

三 火燒死

本屍皮焦肉爛手脚連縮口鼻耳內皆有灰燼委是生前
被火燒死已死弃火中者口鼻耳內無灰出結索式
屍在灰火中先掃除周圍灰炆然後將屍番動觀著地處
有無灰炆燒損

先須子細集衆指定屍首去處取責隣人親戚骨肉并結
罪狀

取開炭等物見屍骨令行人次第合起白骨扇去灰塵
先根究曾與不曾與人作開見得端的方可檢驗如在

湯火內多是側卧或手脚并頭面胸前如關打或頭撞
或脚踏手推多是兩後腋與臂腿土若有打損處其炮
不甚起與其他邊不同 出平定錄

被人勒併身死拋措

於底切又即底切裁也手覆也

在火內頭髮焦黃頭

面連遍身上下並皆燒得一槩焦黑皮肉搐皺並無措
漿縫皮去處項下有被勒著處痕跡驗是死后燒著便
將項處被勒處繩索或諸般帶帛物子細聲說繫入長
短遭教蹤跡了便說今來無憑檢驗本人訟身土下別
無痕損他故及定年貌形顏不得只驗本人項下有被
勒著處痕跡幾匝圓轉去處分數驗得前件尸首正是
被勒身死後拋措在火內 二錄同

人呈或瓦或茅蓋被火燒其尸首則在瓦茅之下或因典

人有警被人乘勢推入燒死者則屍在瓦茅之上無頭足亦有向至

二 录同

尸首全其人未死前被火逼奔爭口開入灰煤即背口鼻內有無黑灰煤有即是生前火燒死如無則非

出平克

因老病在床失火燒死者其屍面色焦黃

或兩手拳曲在胸前兩膝亦曲口眼開或咬齒及唇或有脂膏黃色突出

皮肉只有火燒損跡別無他故即是火燒死須先問生

前宿卧所在

二 录同

先被刃殺死却作火燒死者勒件作拾起白骨扇去灰塵盡了於元尸首下掃索地上用酸米醋洒潑若是殺死即有血入地而鮮紅色如無則是火燒死須問生前宿

平定縣志
三
卧處本房作甚處却恐殺死後被移尸在他處則不可
驗尸下有血色

眉毛髮等被燒有卷毛指甲焦黃

如屍被火燒化盡只是灰無條段骨殖者勒行久與鄰
証供狀稱述緣上件尸首或夫火燒毀或被人燒毀即
無骸骨存在委是無憑檢驗方憑備申 平洗冤錄同

凡生前被火燒死者其屍口鼻內有煙灰兩手脚皆拳縮
緣其人未死前被火逼奔爭口開氣脉往來故呼吸煙
灰入口鼻內若死後燒者其人雖手足拳縮口內即無
煙灰若不燒着兩肘骨及膝骨手脚亦不拳縮 出洗冤錄
凡檢驗被火燒死人先問元申人火從何處起火起時其
人在甚處因甚在被彼火燒時曾與不曾救應仍根究

曾與不曾與人作問見得端的方可檢驗

或檢得頭髮焦奉頭面連身一槩焦黑宜申說今來無
憑檢驗本人沿身上下有無傷損他故及定奪年顏形
貌不得只驗得本人口鼻內有無灰炭委是火燒身死
如火燒深重實無可憑即不要說口鼻內灰燼出洗冤錄

六湯潑死

凡被熱湯潑傷者其屍皮肉皆拆皮脫白色著肉者亦白
向多爛赤平冤洗冤錄同

如在湯火內多是倒卧傷在手足頭面胸前如因開打或
頭撞腳踏手推在湯火內多是兩後腋與臂腿上或有
打損處其處不甚起與其他所盪不同出洗冤錄

七病患死

本尸形体瘦弱肉色痿黃口眼俱合兩手微握沿身或有
灸盤驗是生前因病身死

出結案式

尸肉色痿黃形体羸瘦口眼多合腹肚低陷兩眼通黃兩
手拳微握頭髮解脫身上或有新舊鍼灸瘡痕余無
他故即是病死

病患饑凍求乞在路死者其屍形体瘦弱肉色痿黃口眼
合兩手微握頭髮緊牙閉噤唇齒焦黃唇不著齒一本
云肉色黃白眼合不言

和魔中風卒死者其屍多肥肉色微黃口眼合頭髮緊口
內涎沫遍身無他故即是卒死形狀一本云眼合不言
中暗風死者其屍必肥肉多混白色口眼皆閉頭髮齊整

延壽流注

卒死于邪祟者其屍不在胆瘦兩手皆握手足爪甲多青

或暗風如發驚搐死者口眼多喎斜手足必有拳縮臂腿手足細小涎沫亦流

三者大畧相似要在驗時子細分別

傷寒死遍身紫赤色口眼開有紫汗流出唇亦微綻手不握拳

時氣死者眼閉口開遍身黃色量有白皮起手足俱伸以
上平定洗冤錄同

卒中死眼開睛白口齒開牙關緊間有口眼喎斜並口兩
角鼻內涎沫流出手腳拳曲餘皆黃瘦

出洗冤錄

中暑死屍眼合舌與糞門俱不出別無他故面黃白色多

在五六七月是熱死

定病死人須面色痿黃體肉羸瘦或卒死人經隔數日後却有執紼打鼓若身無痕瘻是卒死

病死值春夏秋初經隔兩三日肚上兩脇連臍下肋骨縫微有青色此是病人死後經日變動腹內藏污發作攻注皮膚致有此色不是生前有他故切宜子細出平凡有死尸肥壯無痕損不黃瘦不得作病患死又有尸首無痕損即是黃瘦不浮據所見只作病患死檢了切須子細驗定因何致此出洗冤錄疑難說

凡檢病死問身死人来自何處幾時到幾時得病曾無申官責口詞有無人識認若有口詞審問元患疾病年甲病幾日方申官責口詞後幾日身死若無口詞問如何

不申告奴婢問契書有無親戚曾請何醫人吃甚藥對
衆證定取醫藥人定驗疾狀

出洗冤錄

三凍死

本屍項縮脚拳兩手抱背遍身寒栗肉色黃紫委是凍死

出結案式

病患饒凍求乞在路死者其屍形体瘦弱肉色黃白眼合

兩手微握頭髮緊牙關禁唇不著齒

出洗冤錄

凍死尸眼合舌與冀門俱不出別無他故面黃白色牙齒

硬身直多在十一月十二月正月是凍死兼衣服單薄

是出平定錄

凍死面色痿黃口內有涎沫牙齒硬身直兩手緊抱背前
驗時用酒醋洗得少熱氣則兩腮紅面如芙蓉色口有

涎沫出其涎不粘此則凍死証兼衣服卑薄

廿二餓死

本屍臍肚貼腔身體黃瘦委因饑餓身死 出結案式

餓死渾身黑瘦硬直眼開口開牙齒緊禁手脚俱伸 出結案式

廿三杖瘡死

本屍兩臂上各有破傷斜長幾寸闊幾分寸深至骨上有

血痂委受杖法因風透患致命身死 出結案式

驗定所杖處瘡痕潤挾是與不是限內身死如日淺則杖

瘡周圍有毒氣攻症青赤色皮腫堅硬如日數多則瘡

周圍有濃水淹浸皮肉潰爛更看陰囊及婦人產門并

兩脇肋腰小腹等處有無血瘡痕 平定洗冤錄同

廿四罪囚被勒死

本屍兩大腿外破傷長潤深淺各若干分寸圓圓赤腫多

少認是生前因被拷勒痛氣攻心致命身死 出結案式

受所受杖痕瘡痕潤狹者陰囊及婦人陰門并兩脇肋小

腹等處有無血痕是與不是限內身死 出平定案

有訊腿杖而刑杖慢及外腎而死者尤須細驗 洗冤錄

苦罵詆死

本屍目瞪口開兩手舒展猶若怕怖之狀委是生前驚詆

致令身死 出結案式

蓋擗死 又法死

本屍某處皮破骨損深淺長潤各若干委是生前墜落

崖下或墜坑中因傷致命身死 出結案式

自高撲地看失脚處土痕蹤跡高下 出洗冤錄

允從樹及屋臨高跌死者看枝柯掛掙所在并屋高低失
 脚處蹤跡或土痕高下失要害處須有抵隱或物擦磕
 痕痕者內損致命痕者口眼耳鼻內定有血出若傷重
 分明更當子細驗之仍當撲落處高低丈尺平冤洗冤
亦同

有因爭鬪將子跌殺謀執或將子手足捉了用脚踏于喉
 下踏死者若究源始未殺情可令件作行人以手按其
 喉必塌方驗真偽出平冤錄
 相打散乘高撲下致死詳在問賊府落水死門

禁壓死

本屍舌出睛凸耳鼻口內皆有血出認是生前墻倒屋塌
 重傷致命身死謂合創崖摧墻塌立類出結案式

關壓死關者要害處屍兩眼微出舌頭出兩手微握

屍遍身死血淤紫黑色或鼻有血或清水出傷處皆血
癰赤腫皮破處四畔亦腫或骨并筋皮斷折樹木壓死
亦然要見得所倒樹木打傷者痕岩牆壓死其屍若有
痕損驗痕分寸作堅硬物壓者要害致命

不壓者要害不致命

死后壓即无此狀若无痕跡以銀釵物類頭口中數刻
如黑色則是中藥死 二录同

凡檢舍物及牆倒石頭脫落壓者身死人其屍沿身壓怯
要害去處若有痕損須說長闊分寸作堅硬物壓者仍
看骨損與不損 出洗冤錄

一七馬踏死

照牛角解

本屍肉色微黃兩手舒展頭髮寬慢某處有傷一處長潤

深淺各若干口鼻耳內或有血出驗是馬踏身死

出結案式

牛馬踏死肉色微

一本无微字

黃兩手散頭髮不慢口鼻耳內

有血出痕黑色被揷踏要害處便死或骨折或腸臟出

若是藥倒或踏不破要害處即有皮破癰赤痕色黑不

致死

驢足痕小

牛角觸着若皮不破傷亦赤腫觸着處多在心頭胸前或

在小腹脇肋亦不可拘

以上平法定案同

并車碾死

本屍肉色微黃口眼皆開手握髮緊其處有傷示

不驗是

生前被車碾傷身死

出結案式

亡被重輪撈

抹求切
通也

死者其屍肉色微黃口眼開兩手微

握頭髻緊

車輪頭撈著處多在心頭胸前並兩脇肋要害處便死不

是要害處不致死

二系同

五被人鍼灸當下致死

須勾臂人驗針灸處是不是穴道須无意致殺亦須顯說

是鍼灸殺亦可科醫人不應為罪也平冤錄

三雷震死

屍肉色黃焦渾身軟黑兩手拳散口開眼皺耳後髮際焦

背頭髻披散被燒著處皮肉紫硬而亦縮身上衣裳被

天火燒爛或不火燒爛

傷損痕跡多在腦上及腦后腦縫多開

髮髮如燄火燒著從上至下時有手掌大片字皮紫赤
色肉不損壞臂項背膊上或有似篆文痕二錄同

虎咬死

多咬頭面項上身上有爪痕揗損痕傷處成窟或見骨心
坎臂前臂腿上有傷處
地上有虎跡勒盡不盡虎跡并勒村甲及被傷人處降
人供責為証

屍肉色黃口眼多開兩手握拳髮鬆散亂莫出
傷處多不齊正有血齒齒咬痕迹

一云月初咬頭項月中咬腹背月末咬兩腳猶咬鼠亦
然平定院寬同

酒食醉飽死

先集衆并元同會首等人對衆勘件作行人用醋湯洗浴
畢先驗在身如無痕損即是酒醉飽過度脹滿心肺致
死以手拍肚皮膨脹而響

仍取本家的親骨肉狀述死人生前常喫酒多少可以
致醉又取會首等所請契酒家主人結連事狀當日喫
酒多少數目以驗致死因依 二 錄同

凡人吃酒食致飽致築踏內損亦可致死其狀甚難明其
尸外別無他故惟口鼻冀門有飲食并糞帶血流出此
形狀須子細体究曾與不曾與人交爭因而築踏見人
照証分明方可定死狀 出洗冤錄

三 外物壓塞口鼻死

凡被人以衣服或溫絛搭口鼻死則腹乾脹 出洗冤錄

被人以外物壓塞口鼻出氣不得后命絕死者眼開睛突
口鼻內流出清血水滿面血癢赤黑色糞門突出及便
溺污壞衣服

又有年老人以手搗之而氣亦絕是無痕而死也 出洗冤
錄疑難雜說

〔廿四〕硬物癰斃死 斃或作墊

凡被外物癰斃死者肋後有癰斃著紫赤腫方圓三寸四
寸以來皮不咬用手搥捏得肋骨傷損此最為虛怯要
害致命去處 出洗冤錄

〔廿五〕蛇蟲傷死

凡被蛇虫傷致死者其被傷處微有齧損黑痕四畔青腫
有清黃水流毒氣灌注四肢身体先腫面黑如榆此狀

即須定作毒氣灌著甚處致死

一若男子作過死

凡男子作過太多精氣耗盡脫死于婦人身上者真偽不可不察真則陽不衰偽者則痿

二录同

一若白僵乾瘁死

先鋪炭灰約與尸長闊鋪薄布可與灰等以水噴微溫卧尸于上尸上仍以布覆蓋頭面貼体訖再用炭火鋪擁令處上再以布覆之復用水過洒一時久其尸体肉必軟起乃竭所鋤布與灰看若皮肉軟起方可以熱醋洗之于驗傷處以葱椒同白梅和精研爛捻作餅子火炒燥令極熱先于尸上用紙搭了身以糟餅疊之其痕損必見二录同

尸蟲鼠犬咬傷

檢見身死人全身有破處看幾道各方圓多少各深多少
死后被虫鼠傷即皮破無血無破處周迴有虫傷密破
痕跡皮頭不齊去處可驗是本人死後虫鼠咬傷即不
是生前時別有他故分別較大時即大虫犬咬傷

死後仰卧停泊微赤黃色

凡死人項後背上兩肋後腰腿內兩臂上兩腿後兩脚
兩脚肚于上下有微赤色驗是本人身死後一向仰卧
停泊血脉墜下致有此微赤色即不是別致他故身死

尸壞爛死

尸臭穢不親臨往誤事

量割四至訖用水衝去蛆蟲穢汚皮肉既淨方可驗不必用醋糟

須令汲新水澆洗尸首四面

跌死者被傷處不至骨損則肉緊貼在骨上用水衝洗不去指甲處之方脫肉貼處有損即見

屍首壞爛被打或刃傷處痕損皮肉作赤色深重久而作青黑色貼骨不壞虫不能食

人身本赤黑色死後變動作青腫色其痕未見有可後處先將水洒濕後將葱白拍碎令爛塗痕處以醋紙蓋上候一時久除去以水洗其痕即見切不可便作腐爛無憑檢驗回申以致冤枉不明

凡檢驗無憑之屍宜說頭髮腿落由髟頭而遍身皮肉並皆一槩青黑捷皮壞爛及被蛆虫啞破骨殖顯露去處

出洗冤錄

如皮肉消化宜說骸骨頭露上下皮肉並皆一槩消化只有些小消化不及筋肉與骨殖相連今來委是無憑檢驗本人生前沿身上下有無傷損他故及定奪年額形狀致死因依不得兼用手揣捏上下並無骨損去處

出洗冤錄

覆檢屍經多日頭面胖脹皮髮脫落唇口翻張兩眼迭出蛆虫啞食委壞爛

出洗冤錄疑難類

聖墳內及屋下墳墳處

先驗墳係何人地上土名某處土堆一個星高及闊並各

計若干尺寸及尸在屋下及屋內殯殮者亦如前量。
次看屍頭脚所向謂如頭東脚西之類頭離某處若干脚
離某處若干左右手亦如之對衆爬開浮土或取去磚
磚著其屍用何物盛殯謂棺木有無漆飭席有無沿緣
及綈罩之類拊出開析取屍于光明處地上驗之以上
二录同

三發塚

驗是甚向墳園長闊多少被賊人開鋤墳上狼藉取物
深尺寸見板或開棺見屍勤所報人具出死人元氣着
衣服物色有甚不見被賊偷去二录同